

南越筆記

三





記 筆 越 南

(三)

輯 元 調 李

王雲五主編  
叢書集成初編

南越筆記  
三冊

中華民國二十五年六月初版

輯者 李調元

發行人 王雲五  
上海河南路

印刷所 商務印書館  
上海河南路

發行所 商務印書館  
上海及各埠

朱

# 南越筆記卷十一

## 蠶蜺

凡春正二月南風起海中無霧則公蠶蜺出夏四五月大禾既蒔則母蠶蜺出其白者曰白蠶蜺以鹽酒醃之置茶藤花朵其中曬以烈日有香撲鼻生毛者曰毛蠶蜺嘗以糞田飼鴨然有毒多食發吐痢而潮人無日不食以當園蔬故諺有曰水潮蜺食鹹解鹹解者以毛蠶蜺入鹽水中經兩月熬水爲液投以柑橘之皮其味佳絕解其渣滓不用用其精華故曰解也蜺者蛤之屬諺曰蟾蜍蛤蜺三者形狀相似而廣州人惟食蛤不食蟾蜍蜺惟潮州人食之故名曰水潮蜺蜺有一種生海泥中長二三寸大如指兩頭各有兩岐以其狀怪故曰蛭氣味甘溫能去胸中煩悶然病後不可食食惟白蠶蜺稱珍品。

## 蠔

蠔鹹水所結其生附石礧礧相連如房故一名蠣房房房相生蔓延至數十百丈潮長則房開消則房闔開所以取食闔所以自固也鑿之一房一肉肉之大小隨其房色白而含綠粉生食曰蠔白醃之曰蠣黃味皆美以其殼累墻高至五六丈不仆殼中有一片瑩滑而圓是曰蠔光以砌照壁望之若魚鱗然雨洗益白小者珍珠蠔中嘗有珠東莞新安有蠔田與龍穴洲相近以石燒紅散投之蠔生其上取石得蠔仍燒紅石投海中歲凡兩投兩取蠔本寒物得火氣其味益甘謂之種蠔又以生於水者爲天蠔生於火者

爲人蠔。人蠔成田。各有疆界。尺寸不踰。踰則爭。蠔本無田。田在海水中。以生蠔之所謂之田。猶以生白蜆之所。謂之塘。塘亦在海水中。出無實土也。故曰南海有浮沉之田。浮田者。薤簾是也。沉田者。種蠔種白蜆之所也。

蟪

蟪比黃蜆而大。聞雷則生。故文從雷。粵故有蟪田。在番禺市底之南。春初取小蟪種之。至冬乃取。故曰蟪田。田在鹹海中。亦曰蟪塘。猶夫白蜆之塘也。蟪與蠔。白蜆。蠔雖生於天。亦恆生於人。惠潮多蟪田。蟪與沙蚶。蟪皆味甘。性溫。益人。蚶從甘。不用調和。自然甜美。愈大愈嫩。志稱嶺南炙之名。天爵是也。一名花蟪。沙蚶不可種。故粵人貴沙蚶而賤蟪。蟪凡沙坦皆有。冬月時。漁者以足取之。謂之踢蟪。蟪以天寒乃肥。其以仲秋孕者。腹黑。廣人有釀蟪之食。以白者爲貴。

白蜆

番禺海中有白蜆塘。自獅子塔至西江口。凡二百餘里。皆產白蜆。歲二三月。南風起。霧氣蔽空。輒有白蜆子。飛落。微細如塵。然落田。輒死。落風中。得鹹潮之力。乃生。秋長冬肥。積至數丈。乃撈取。粵人謠云。南風起。落蜆子。生於霧。成於水。北風瘦。南風肥。厚至丈。取不稀。殷勤祭沙潭。莫使蜆子飛。外有黑蜆黃蜆。一名扁。羸。遇風雨。亦輒飛徙。蛋女率於黑沙泥處取之。貧者以爲蔬。然味不如白蜆。凡生於海者。曰白蜆。生於江者。曰黑蜆。黃蜆。而金錢蜆者。生大海中。獨珍。劉鋹時。取以自奉。禁民不得採。亦曰金口蜆。有無耳蜆。產章

涌相傳宋帝曷幸韋涌時食蜆而美之曰惜不令其無耳至令帝泊舟處蜆皆無耳甘美異常進蜆漁人配祀將作大匠梁公廟中人稱蜆子丈人云蜆之美可以解蠱以爲腊不能水土者宜之白蜆多生於霧每當春暖白霧瀾空濛濛霖霖之中土人知爲白蜆也名落蜆天

### 蛤

蛤生田間名田雞冬藏春出篝火作聲呼之可獲三月三日農以其聲卜水旱聲小水小聲大水大諺曰田雞聲啞田好稻把田雞聲響田好蕩漿又田雞上晝鳴上鄉熟下晝鳴下鄉熟終日鳴上下齊熟唐詩田家無五行水旱卜龜聲龜蛤也或謂大聲曰龜小聲曰蛤韓退之南食其四曰蛤未知是此否珠蚌亦名蛤然非嘗食一種肖田雞而無腰股鳴長聲俗呼爲蜎主瘰癧卽蝮蝮云

### 瓊瑤

瓊瑤狀似珠蚌殼青黑色長寸許大者二三寸生白沙中不汙泥淖互物之最潔者也有兩肉柱能長短又有數白蟹子在腹中狀如榆莢合體共生常從其口出爲之取食蓋二物相須瓊瑤寄命於蟹蟹託身於瓊瑤郭璞謂瓊瑤腹蟹葛洪謂小蟹不歸而瑤敗是也

### 贏

贏種最多以香贏爲上產潮州大者如盤盂其殼雌雄異聲可應軍中之用次則珠贏出東莞大步海南漢常置三千人採之名其地曰媚川都人曰珠贏戶有銀母贏狀若蚌肉多小珠而珍色不及殼厚而瑩

可以截鑲器皿。亦名珠母。其肉最勝而性寒。有九孔。羸產珠與蚌珠類。有鸚鵡羸。珠光隱隱可燭。文采五色。類鸚鵡。有指甲羸。一名紫蚶。荀子東海有紫紘。紘卽蚶也。一名石蚶。味甘鹹。能利小水。江淹謂石蚶有足翼。得春水則生華。郭璞謂石蚶應節而揚葩是也。味絕鮮美。虛損人以米酒同煮。最補益。有馬甲柱形。形如指甲。羸殼薄肉少。味頗清。昌黎南食詩。章舉馬甲柱。鬪以怪白呈。有寄生羸。生鹹水者。離水一日卽死。生淡水者可久畜。殼五色如鈿。或純赤如丹砂。其蟲如蟹。有螿足腹。則羸也。以佳殼或以金銀爲殼。稍炙其尾。卽出投佳殼中。海人名爲借屋。以之行酒。行至某客前而駐。則飲。故俗以爲珍。有蠓螿者。二螿四足似彭蠡。其尻柔脆。蜿蜒屈。則羸。每竊枯羸以居。出則負殼。退則以螿足扞戶。稍長。更擇巨殼遷焉。與寄居蟲異名。多足羸亦曰竊蟬。越記。負屋之螿。飼以雲母。能產白珠。梅華國志。屋蟬千歲出海爲螿龍。蓋此物也。有神仙羸。產羅浮。曾經仙人所嚙。尾端盡破。味甚甘。有流羸。大如小拳。一名甲香羸。肉亦視月盈虧。有蛤蚶生海濱土中。白殼紫唇。一名赤口羸。以殼爲粉。曰蛤粉。可入藥。凡羸類兩殼相合皆名蛤。而此羸肉殼大利於人。故曰蚶。有車螿者。似蛤蚶而大。甲厚而疊。有斑點如花。絕水佯死。烏鳥信而啄之。輒爲所得。一名沙蚶。有海膽生島嶼石上。殼圓。有粟珠。大小相串。粟珠上又有長刺。纍纍相連。取一帶十。如破其一。餘皆死。粘於石上。殼破流漿。終不得起。肉色黃鮮。以作醬味佳。已上諸羸。皆舉其知名者。史稱楚越之地。飯稻羹魚。果隋羸。蛤不待買而足。地勢饒食。蓋謂此。

蚌川澤處處有之。凡狹而長者皆曰蚌。廣而圓者皆曰蛤。車白與蜆皆蛤屬。車白卽車螯。土人以爲沙白者。謬也。

弔

弔、介之屬也。產瓊州海口港中。蛇頭躡身。水宿不棲。其膏甚輕利。貯以銅瓦。皆滲出。惟雞卵盛之則不漏。以治諸腫毒。功同熊膽。

穿山甲

穿山甲一名鱧鯉。似鯉。有四足。能陸能水。其鱗堅利如鐵。黑色。絕有氣力。能穿山而行。蓋陸之魚也。楊孚異物志。鱧鯉吐舌。螻蟻附之。而因吞之。又開鱗甲。使螻蟻入之。乃奮迅而舐取之。

銀魚

銀魚產惠州豐湖第一橋下。以秋九月出。九月有風曰銀魚風。長二黍許。光滑無鱗。表裏融澈。以白磁盆澆之。與水無異。出於清明者尤佳。又有紅蝦。產潮州番州。南巴諸處。色奪榴花頭。可製杯。見異物志。又通志云。儋州有紅蟹。張籍詩云。大魚如柳葉。小魚如針鋒。

河豚

海語。河豚出於江河者。皆不盈尺。海中大者如豕。有重數十斤者。通志。味美在肝。而有毒。吳中以初春。而粵中以秋。薦爲河豚之會。中其毒者。水磨降香汁。搗橄欖汁。飲之。可解。



江瑤柱

爾雅注。蜃小者玉珧。卽江瑤柱也。安南異物名記云。江瑤如蚌而稍大。中肉腥而膠。不中口。僅四肉。牙佳耳。長四寸許。圓半之。白如珂雪。一沸卽起。甘鮮脆美。不可名狀。此所謂柱也。通志馬甲柱。惠州美其名曰西施舌。瓊州志。江瑤以柱爲珍。崖州者佳。按江瑤又名海月。謝朓詩。挂席拾海月。指此。蘇長公會云。荔枝風味。惟江瑤柱可以敵之。

海鏡

嶺表錄異。海鏡。廣人呼豪菜盤。兩片合以成形。殼圓。日照如雲母。內光。有小肉如蚌。胎腹中有小紅蟹子。其小如荳黃。而頭足俱備。海鏡饑。則蟹子走出。取食蟹飽。歸腹。海鏡亦飽。通志云。其殼爲明瓦。圓如鏡。崖州產者佳。

牡蠣

牡蠣。本草衍義云。牡蠣附石而生。硯礪相連如房。故曰蠣房。一名嶸山。初生海畔。身如拳石。四面漸長。有一二丈者。一房內有蠔肉一塊。每潮來。則諸房皆開。有小蟲入。則合之充腹。韓昌黎詩。蠔相粘爲山。十百各自生。通志謂蠔以左顧者爲雄。故曰牡蠣。粵人以爲常饌。其殼用以壘牆。亦可燒灰塗壁。嶺南雜記云。蠔殼砌牆。鱗鱗可觀。志又云。介與鱗相若。粵中獲介之利居多。鏤甲爲珍。亦生民所資也。

黃甲

粵中少螃蟹。惟黃甲到處有之。味略帶腥。陸龜蒙有蟹志。呂亢作蟹圖。黃甲蟪蟻諸種俱不載。又萬州出石蟹。宜治眼疾。白香山眼病詩。案上漫鋪龍樹論。盒中虛燃決明丸。

### 瓦屋子

南人名蚶爲瓦屋子。嶺表錄異云。瓦屋子蓋蚌蛤之屬也。南中舊呼爲空慈子。盧尚書鈞改爲瓦屋子。以其殼上有稜如瓦。故名。殼中有肉。紫色而滿腹。廣人尤重之。多炙以薦酒。俗呼爲天樹肉。通志惠潮多種蚶。有蚶田。南越志。凡蛤之屬。開口聞雷鳴不復閉口。楊萬里詩。鮮帶桃花楚水蠟。蠟卽蚶字。

### 蝦

蝦之種類甚繁。小者以白蝦。大者以蟪蝦爲美。蟪蝦產鹹水中。大者長五六寸。出水則死。漁人以絲粘網。其深四尺有五寸。長六尺者。仄立海中。絲柔而輕。蟪蝦至。則鬚尾穿胃。弗能脫也。兩兩乾之爲對蝦。以充上饌。鮮者肉肥白而甘。其次曰黃蝦。白蝦。沙蝦。最小者銀蝦。狀如綉針。以紵布爲網。網大丈有二尺。以二層戩繫之。口向上流。取蝦卵及禾蟲。亦復如是。銀蝦稍大者。出新安銅鼓角海。名銅鼓蝦。以鹽藏之。味亦美。其蝦醬則以香山所造者爲美。曰香山蝦。其出新寧大襟海上。下二川者。亦香而細。頭尾與鬚皆紅。白身黑眼。初醃時。每百斤用鹽三斤。封定缸口。俟蝦身潰爛。乃加鹽至四十斤。於是味大佳。可以久食。一種名蝦春。粵方言。凡禽魚卵皆曰春。魚卵亦曰魚春子。唐時吳郡貢魚春子。卽魚子也。然蝦春非蝦之卵也。江中有水蠶。大僅如豆。其卵散布。取之不窮。產新會者卵稍粗。滋味益好。燒之通紅。紅故鮮明。多脂而可

口次則番禺深井江勒海所產。村落間家有數甕。終歲醃食之。或以入糟。名泥蝦。又丹蝦產惠州西湖。其色青。煮熟丹紅。絕鮮美。諺云。湖上漁家。白飯丹蝦。白飯者。水晶魚也。長不盈寸。大不過分。其色瑳潔。無乙有丙。八九月有之。

水母

水母生海中。以鹹水之渣滓爲母。故名水母。鮮煮輒消釋出水。一名海蛇。氣最腥。爲蟲之所宅。蟲者。蝦也。水母以蝦爲浮沉。故曰水母目蝦。性冷。能化物。不能自化。脾胃弱者勿食。乾者曰海蜇腹。下有腳紛紜。名曰蜇花。八月間乾者。肉厚而脆。名八月子。尤美。

黃魚蟲

黃魚蟲。一名天蝦。色白。狀如螻蛄。四五月間從空飛入水。化而爲蟲。黃魚食之而肥。名黃魚蟲。漁人取其未化者炙食之。云味甘美。或以爲蝦所化。以其自天。故曰天蝦。崔豹云。海間有飛蟲。如蜻蛉。名繙紺。七月羣飛闌天。巨人食之。云蝦所化。或曰腐艸爲蜚。朽麥爲蜚。蜚爲蝦。天蝦者。蜚之所化。未知然否。

# 南越筆記卷十二

## 五色蝶

越南峽蝶。翅紋鮮麗。羅浮有五色蝶。能作繭。可攜至遠方。羅浮志云。蝴蝶洞有仙蝶。文彩陸離。爲仙人彩衣所化。大如盤而五色。人得其繭。蝶亦化出。數日卽有一蝶來。引之而去。雖數千里外。藏之箱篋。亦化出也。

## 粵土多蟻

粵土多蟻。廣志謂有飛蟻、木蟻、黑黃大小數種。善嚙物。嶺南雜記云。新構房屋。不數月爲其蝕壞。傾圮者有之。粵志。潮人土人以蟻害稼。有蟻祖廟。在大馬蟻山。歲五月。羣蟻來朝。有詠者云。馬蟻山頭馬蟻朝。年年五月趁江湖。蟻祖主蟻之神。猶周禮。鬲氏。鬲氏之命其官也。嶺表錄異云。廣州多蟻。其窠如薄絮囊。連枝帶葉。彼人以布袋貯之。賣與養柑者。以辟蠹。鷄肋編謂之養柑蟻。

## 紅蝙蝠

羅定州產紅蝙蝠。北戶錄云。瀧州有蝴蝶。背深紅。惟翼脉淺黑。名紅蝙蝠。多雙伏紅蕉花間。採者獲其一。則一不去。又南方草木狀載鶴子草。蟲化蝶。丹青野錄又載綵裙化蝶。

## 蝥蛇膽

有蚺蛇膽。嶺南雜記。蚺蛇。粵西及南海州縣有之。北戶錄云。大者長十餘丈。圍七八尺。多在樹上。候麋鹿過者。吸而吞之。至鹿消。卽纏大樹上。出其頭角。乃不復動。土人伺之。以竹籤籤煞之。取其膽。按蚺蛇膽。諸說不一。嶺南雜記謂捕之之法。度其出入之地。先釘羅椿數行。狹僅容其身。壯士持橄欖棍。其中一人出外。闖婦人裙以招之。蛇望見。卽昂頭高五六尺來逐。人退入羅椿內。蛇到狹處。蜿蜒屈伸間。人持棍擊之。且退且擊。視其首俯地。則無懼矣。以葛藤繫其頸而牽之。每擊一下。則皮肉蹙縮成泡。而血凝卽護身膽也。其力大減。多以亂真。真者乃在腹內。價過兼金。瓊州志云。遇人擊傷。膽卽至傷處護之。故獨重。腹中之膽無用也。廉州志云。上旬在頸。中旬在心。下旬在尾。性耐死。取膽釋之。猶活。廣州志云。膽有三。一曰旱膽。能療目。一曰水膽。能止瀉。一曰護身膽。爲熬刑藥。南裔異物志又云。蚺蛇牙長六七尺。土人尤重之。云辟不祥。利遠行。

蚊子木

越南蚊蚋大小纖細不一。善螫人。冬月不斷。本草拾遺云。嶺南有蚊子木。葉如冬青。枇杷熟則拆裂而蚊出。元微之謂蚋子之下有蠓子。蠓子之下有浮塵子。皆蚊屬也。人蒙絮被白蔽。輒通透。故昔人有已微於蠢蠢。仍害及人人之句。

十二時辰蟲

酉陽雜俎載南方有避役蟲。一名十二時辰蟲。夏日常見於籬落間。見者多稱意事。嶺南異物志言其首

隨十二時變易。博物志言其陰多紺綠。日中變易。或青或綠。或丹或黃。北戶錄言不能變十二色。但黃褐青赤四色而已。據本草引陸佃言。蜥蜴能十二時變易。禽蟲述云。守宮長細五色者名蜥蜴。則此蟲卽蜥蜴矣。說者謂守宮點婦人臂。終身不滅。偶則落。故前人句云。守宮落盡猩紅色。明日低頭出洞房。然春秋考異郵云。以其常在屋壁。故名守宮。亦名壁宮。則飾臂之說。大抵不真。

### 螂蛆

螂蛆能伏蛇。每自口入食蛇腹。山行筒置螂蛆。蛇不能近。又能嗅龍腥。天將雨。爭就木最高處。蓋聞龍腥故也。廣中多螂蛆。而少蜈蚣。絕無蠍。螂蛆多生古牆中。盛暑輒出。大者有珠。雷常搜而擊之。

### 蛤蚧

蛤蚧唯雷瓊爲多。長五六寸。似蜥蜴。四足有毛。尾絕短。嘗自呼其名以鳴。一歲則鳴一聲。有鳴至數十聲者。人以爲神。羅浮亦有之。方言曰。桂林之中。守宮能鳴。卽此。一名吉度蛇。吉度者。象其聲也。其背色綠。有黃斑點。若古錦。自旦至暮。常變十二種色。有得其一。閉於籠中玩之。止見變黃褐赤黑四色。多居古木竅間。人以其聲與色之異。喜捕取之。得其雌雄合者益陽。

### 斷草烏

斷草烏似小蛇。大僅指許。長五六寸。頭如龍形。而小身純烏。其行也。百艸沾之立斷。人見斷草。輒跡得之。故蛇每離地丈許。使身如矢直。以入穴。使不沾草。故人莫得而取之。以酒煮食。愈麻瘋。

海珠

海珠狀如蛤蜊。大如臂。所茹海菜。於海濱淺水吐絲。是爲海粉。鮮時或紅或綠。隨海菜之色而成。曬晾不得法。則黃。有五色者。可治痰。或曰。此物名海珠母。如墨魚。大三四寸。海人冬養於家。春種之。瀕海田中。遍插竹枝。其母上竹枝吐出。是爲海粉。乘濕舒展之。始不成結。以點羹湯佳。

害人蟲

害人蟲有數種。一曰蟻。有青黃二種。青者生深山樹葉中。名曰飛蟻。聞聲輒飛。刺人取血。專集耳後。使人不知。始如鍼。血飽則如指。隨手拔去。稍遲。深入膚理矣。凡山行。以無患子。或蒜。或薑汁。或茶子末塗身。則飛蟻不敢近。黃者生地下。吮血。如螞蝗。入水則死。螞蝗一名水蛭。池澤處處有之。入人肌肉。啞血。誤吞之。則生子腹中。噉食臟血。飲黃土水數升。可解。或以蠶蠶。則螞蝗化水而死。有狗鼻措者。生陰濕處。似山蟻而長。好入犬豕鼻中。吮血。間入人鼻。血出不止。口含醞醋。塞兩耳。自低其首。則此物儵然而出。被刺時。人不可拔。重力拍之。則自墮。有沙蚤者。生水中。大不過蟻。喜入皮膚害人。以茅根竹葉刮之。或以苦苣汁塗之。可愈。或以火炙身。則隨火去。有飛蛟者。生於瘴霧。有三足。無身呼吸。間入人肺腑。則食漸減而斃。或入魚腹。牛馬腹中。令食之者劇病。先毒物以毒人。蟲之最惡者也。然亦獠黎中乃有之。又有蛇蠱。狀如蜘蛛。而足短。最毒。出瓊州。見者以爲蜘蛛也。易視之。忽爲所中。有謠云。生恨蜘蛛無結網。無絲無緒最傷人。

雨師雲師

霍山有雨師雲師。雲師如蠶，長六寸。雨師如蝟，長七八寸。每出則有雲，有雨。山人以爲驗。

### 蠱

粵東之估，往贅西粵七州之婦人，寡者曰鬼妻，人弗娶也。估欲歸，則必與要約。三年返，則其婦下三年之蠱。五年則下五年之蠱。謂之定年藥。愆期，則蠱發，膨脹而死。如期返，其婦以藥解之，輒得無恙。七州之婦，蓋以得粵東夫婿爲榮。故其諺曰：廣西有一留人洞，廣東有一望夫山。以蠱留人，人亦以蠱而留。粵東諸山縣人，雜獠蠻，亦往往下蠱。有挑生鬼者，能於權量間，出則使輕而少，入則使重而多，以害商旅。蠱主必敬事之。投宿者，視其屋宇潔淨，無流塵蛛網。斯則挑生鬼所爲。飲食先嚼甘艸，毒中則吐，復以甘草糞煎水飲之，乃無患。入蠻村，不可不常攜甘草也。挑生鬼亦蠱之屬。蓋鬼而蠱者也。凡下蠱，皆出於獠。出於獠之婦，若孀娘，則不能下蠱。蠱有鬼名曰藥鬼。藥鬼之所附，獠婦恆不得自繇。代代相傳，必使其蠱不絕，以爲神。其中於人得解者，或吐出生魚、生蝦、生鴨子之屬，皆藥鬼之爲之。粵東無獠，故無藥鬼。

### 恩平蚯蚓

恩平蚯蚓，生恩平水中，屯結。每水一升，可得蚯蚓數十許。色黃濁，飲之立蠱。又羅旁之水，多有柯木葉木犀花葉浸其中，飲之亦輒脹滿以死。所謂水蠱者是也。

### 白蠟蟲

粵人以蟲大如蟻虱者，虱種後置之菁紬樹上。樹狀類冬青，蟲食樹汁，吐沫粘嫩莖上，化爲白脂。至秋收



之。以水養鎔。瀘成蠟。文理瑩徹。若石膏然。以之澆燭入藥。甚適用。蟲嫩時白色。作蠟。及老則赤黑。其結苞於樹枝。初若黍米。入春漸長。如雞頭。子大色紫赤。纍纍抱枝。宛如樹之作實。是稱蠟種。亦白蠟子。子內有白卵。一苞數百。次年立夏。以箬葉包之。繫於樹上。芒種後苞拆。白卵化蟲。乃復上樹作蠟也。黃蠟成於蜜蜂。白蠟成於此蟲。各有其能。若此白蠟。瓊州最多。以之爲炬。大者可五六觔。每夜譙用至數百石。其價頗賤。諺曰。東家白蠟蟲。西家黃蠟蜂。養蜂得蜜食。養蟲得燭紅。

禾蟲

夏雨過多。禾中蒸鬱而生蟲。或稻根腐而生蟲。稻根色黃。禾蟲者。稻根所化。故色黃。大者如筋許。長至丈。節節有口。生青熟紅黃。霜降前禾熟則蟲亦熟。以初二及十五六。乘大潮斷節而出。浮游田上。網取之。得醋則白漿自出。以白米泔瀘過。蒸爲膏。甘美益人。蓋得稻之精華者也。貧者多醃爲脯。作醃醬以食之。

蠶蜜

蠶蠹多產於陽春。以爲貨。蠶爲房於巖石林木間者。其釀白蠶脾。謂之山蠶。亦曰蠶糖。霜後割之。白如脂。味勝家蠶。家蠶取以夏冬爲上。秋次之。春易發酸。冬曰梅花糖。最甘香。唐詩云。天寒割蠶房。然其性熱。多食發溼熱病。生蟲蠹。新興有蠶蠹。尤忌。不若川蠶。溫西南蠶涼。爲可嗜。又海濱巖穴野蠶窠。蠹曰石蠶。多泛溢於草間。石罅。露積日久。必宿蛇虺之毒。不可食也。

蠶蠹

蠶蟲出陽春。嘗附橄欖樹而生。雖有首足。與木葉無別。須木葉凋落。乃得之。土人以置篋筥。每遇蠶毒。必鳴。鳴則自呼。又以其聲之清濁。卜禍福。粵以鷄卜。又以蠶蟲卜。人罕知之。史稱昆蟲之所長。聖人不能與爭。其謂此歟。

### 天蠶

天蠶產陽江。嗜食樟楓葉。歲三月熟。醋浸之。抽絲長七八尺。色如金。堅韌異常。以作蒲葵扇緣。名天蠶絲。亦有成繭者。大於家蠶數倍。禹貢厥篋縠絲。或卽此類。然不可繅爲絲。入貢者。齊魯之山繭也。有沙柳蟲。腹中絲。亦可作緣。

### 石背蟲

石背蟲。生荔枝樹上。喜食荔枝花蕊。荔枝多虛花。花十子乃一。又以石背之爲賊。場師必務去之。石背閩中尤多。冬伏荔枝葉下。荔枝始花。蟲亦生子。一生十二粒。數應一歲。閩則增其一。荔枝時。石背輒溺。溺則全枝脫蒂。雨時尤盛。其背堅如石。故曰石背。廣中荔枝所苦多雨耳。石背無甚害也。

### 金鷄蟲

金鷄蟲。食龍眼花。立盡。歲大寒節。場師必搖樹。使金鷄蟲盡落。乃掃除而溺之。江非大寒節。雖搖樹。蟲亦不落也。有黃蟲者。狀類蠹蟲。春社後。江岸地中。乘日暮而出。食百樹葉。色轉翠。蓋葉之所化也。與金鷄亦相類。

綠金蟬

綠金蟬、一名金花蟲。大者如班貓。有文采。其背正綠如金貼。有翅生甲下。喜藏朱槿花中。

# 南越筆記卷十三

## 荔枝

羅浮志。荔枝有數種。產增城者尤佳。挂綠爲上。出新興者香。荔枝實小核。焦而香美。荔枝之最珍者也。白樂天荔枝圖曰。如離本枝。一日色變。二日香變。三日味變。四日外色香味盡去矣。番榴洋桃皆粵產。虞衡志云。五稜子形甚詭異。瓣五出。如田家碌磳狀。味酸。久嚼微甘。謂之洋桃。志云。能解嵐瘴之毒。中蠱者以自然汁飲之。卽吐而愈。或曰種自外洋來。故名。按番榴俗又名秋果。土人鬻物者多以葵葉編傘。當市梢隙處。以蔽風日。

## 龍眼

草木狀云。龍眼似荔枝。但枝葉稍小。殼青黃色。形圓。如彈丸。肉白而帶漿。其甘如蜜。一朵五六十顆作穗。如蒲萄然。荔枝過。則龍眼熟。故謂之荔枝奴。言常隨其後也。通志龍眼曰。早花者以六月六日可食。按龍眼粵地多有之。熟時。兒童販賣者填街盈篋。

## 柑柚

柑柚。廣中多產之。其佳者有獅頭、羊額諸名。裴淵廣州記云。柚有雷柚。實如斗大。廣州志。柚有大小紅白數種。產於增城者小而尖長。甚芬郁。名香柚。十月熟。一種如斗大者。曰斗柚。十二月熟。餘皆八月熟。又有

名賀正柚。至正月始熟。羅浮記云。羅浮香柑有赭黃二色。潮州志云。潮果以柑爲第一品。肇慶志云。乳柑產四會上林者佳。北戶錄載新州出變柑。有苞大於升者。且皮薄如洞庭之橘也。他柑之所弗及。相傳移植不百里。形味俱變。因以爲名。

香椽佛手

本草陳藏器云。枸椽生嶺南。實如盞。蘇頌曰。彼人呼爲香椽子。形長如小瓜。李時珍曰。木似朱欒。植之近水。則生實如人手。有指俗呼爲佛手柑。清芬襲人。按今粵人呼爲五指香椽。內典以佛手爲兜羅綿手。白香山詩。十指剝春忽。謂女手也。

化州橘紅

嶺南雜記。化州仙橘。相傳仙人羅辨種橘於石龍之腹。唯此一株。在蘇澤堂者爲最。清風樓次之。紅樹又次之。凡近州治。聞譙樓更鼓者。其皮亦佳。志云。今廣東柑橘橙柚之皮皆充用。按廣陳皮入藥者。化州爲上。新會次之。新會卽岡州地。本草云。橙橘同屬。能下氣消痰。與柑柚性極不同。形質大小粗細固自有辨。醫方多誤用。宜慎之。

檳榔

南裔異物志。檳榔無花。而實堅如乾棗。以扶留古賁灰并食。則滑美下氣。及宿食消穀。南中八郡志云。土人以爲貴。款客必先進。鷄林玉露曰。檳榔食之。醺然頰赤。東坡詩所云。紅潮登頰醉檳榔也。雖婦女亦競

啖之。婚禮用以當委禽。志稱今產瓊州。廣志又謂椰樹高六七丈。無枝葉。其實大如寒瓜。其漿美如蜜。飲之乃醉。今產文昌。志云清漿升許。微酒氣。名曰榔酒。廣衡志云。榔酒新者極清芳。按椰子蒂可作念珠。皮可爲器皿。

### 橄欖

橄欖一名諫果。草木狀。云樹身聳枝。皆高數丈。其子深秋方熟。味雖苦澁。咀之芬馥。勝含鷄舌香。通志粵中多種烏橄。其利多。白橄種者少。號曰青子。按粵產實繁。纖長而小。鮮時亦登果盤。可醒酒。正味森森。苦且嚴。東坡咏句也。

### 枕榔

枕榔木海南所產。廣衡志云直如杉。又如樓欄。有節如大竹。一幹挺上。高數丈。花數十穗。草木狀。謂皮中有屑如麪。木性如竹。紫黑色。有文理。工人解以製奕枰。按枕榔性堅韌。可爲器。作轎幹尤佳。世爭購之。

### 綿木

肇慶志新興產綿木。其質柔韌。以爲負擔。雖負重不折。爲輿槓最佳。

### 波羅蜜

廣衡志波羅蜜大如冬瓜。外膚礪礪如佛髻。削其皮食之。味極甘。子輒悉如冬瓜。生大木上。秋熟。廣州府志又載波羅樹無花結果。果成或生一花。花甚難得。卽優鉢曇花也。

食竹衣竹

廣州志。韶州出丹竹。亦曰單竹。節長二尺。練以爲麻。織之。是名竹布。故曰南越食竹衣竹。按唐開元間。嶺南有調有貢。韶州調以竹子布。亦有名絲。而無以爲織者。志又載陽江出天蠶。其食必樟楓葉。歲三月熟。酸浸之。抽絲長七八尺。色如金。堅韌異常。以作蒲葵扇緣。名曰天蠶絲。

廣漆

廣中產漆。售行他省。皆稱廣漆。粵中工人製造。凡匣器皿。無不精雅。搥器中磨研最細者。退光爲上。次之。瓊州志。漆器。壘漆雕漆。有剔紅剔黑諸色。虞衡志云。南漆如稀飴。氣如松脂。霑霑無力。通志謂廣漆色甚明光。而不甚粘。出陽春。新興。德慶。廣州志又載。海上有花如芍藥。曰到粘子。漬以爲膠。可代柿漆。謂之海漆。陸應陽謂東坡造。

菩提樹

菩提樹子。可作念珠。廣州志云。訶林有菩提樹。梁智藥三藏。攜種樹。大十餘圍。根株無數。通志謂葉似桑。寺僧採之。浸以寒泉。歷四旬。浣去渣滓。惟餘細筋如絲。可作燈帷笠帽。瓊州志又稱金剛子。產瓊山。圓如彈。堅實不朽。可爲數珠。按菩提子。每顆面有大圈。文如月。周羅細點如星。謂之星月。菩提又有木槌子。色較黑。而質更堅結。亦可爲念珠。大姚諸處。俗亦呼爲菩提子。

紫檀花梨鐵力諸木

紫檀花梨鐵力諸木。廣中用以製几。匣床架。古今注紫木栴出扶南。色紫。亦謂之紫檀。廣州志花欄色紫紅。微香。其文有若鬼面。亦類狸斑。又名花狸。老者文拳曲。嫩者文直。其節花圓暈如錢。大小相錯者佳。瓊州志云。花梨木產崖州昌化陵水。鐵力木理甚堅緻。質初黃。用之則黑。黎山中人以爲薪。至吳楚間則重價購之。通志云。一名石鹽。一名鐵稜。

### 烏木

烏木。瓊州諸島所產。土人折爲箸。行用甚廣。志稱出海南。一名角烏。色純黑。甚脆。有曰茶烏者。自番舶。堅實。置水則沉。其他類烏木者甚多。皆可作几杖。置水不沉。則非也。

### 梅

梅花惟嶺南最早。冬至雷動地中。則梅開。故廣中梅於一之日已花。二之日成子。得春獨早。故羣卉資之以爲始。韶州梅長至已開。臘月大雪。梅復開尤盛。有於舊蒂而作新花者。其地屬嶺北。故梅以臘以正月開。廣則秋末冬初。梅且開盡。往往不待長至。以地煖故早。梅嶺多梅。唐六帖言。庾嶺梅花。南枝已落。北枝未開。而宋之間有魂隨南翥鳥。淚盡北枝花之句。好事者往往植梅其上。宋淳熙間。知軍事管銳植三百株。明正統中。知府鄭述復補植。正德中。參政吳廷舉增植。及松至萬五千餘株。有某推官女亦植梅三百株。鐫詩於石。崇正初年。博羅張郎中萱植三百株。知府趙孟守題曰梅花國。書額於紅梅驛以旌之。

### 楓



楓喜風。故從風。嶺南楓多生山谷間。羅浮連亘。數嶺皆楓。每風起則楓鳴。風去楓聲不止。不與衆林俱寂。故謂之楓。楓者風之所聚。有瘿則風神之曰楓子鬼。嵇含云。楓老有瘿。中夜大雷雨。瘿暗長一枝。長可數尺。形如人口。眼悉具。謂之楓人。越巫取之作術。往往有神。

榕

榕容也。以其材無所用。爲斧斤所容。故曰榕。葉甚茂盛。柯條節節如藤垂。其幹及三人圍抱。則枝上生根。連綿拂地。得土石之力。根又生枝。如棟柱互相撐抵。望之有若大廈。直者爲門。曲者爲窗牖。瓊瓏四達。人因目之曰榕廈。其中常產香木。炎精所結。往往有伽楠焉。粵人以其香可來鶴子。可肥魚。多植於水際。又以其細枝曝乾。爲火枝。雖風雨不滅。故今州縣有榕鬚之徵。其脂乳可以貼金接物。與漆相似。亦未盡爲不材也。性畏寒。踰梅嶺則不生。故紅梅驛有數榕。爲炎塞之界。又封川西三十里分界村。二廣同日植一榕。相去三丈許。而東大西小。東榮西瘁。東榕又不落葉。咫尺間地之冷暖已分如此。自韶州西北行。榕多直出。不甚高。與廣州榕婆娑偃蹇者異。高州道中榕夾路垂陰。凡百株。狀甚詭怪。皆束千百根以爲一身。有紅白大葉小葉諸種。有子無花。子落時常如密雨中。多嶺西副使吳廷舉所植。父老稱吳公榕。新興東北一帶亦有之。先是宋延祐間。有倉振者。知新州。夾道植榕。其後高芝復植松。於是行旅歌之曰。倉榕高松。手澤重重。高松倉榕。夾道陰濃。而僉事劉洵者。修高倉故事。自高要南岸至新興令里。胥分地植榕。遺官以時驗勤怠。至今榕樹存者大十圍。又歸善葉春及知惠安。令民植榕。下教曰。榕者容也。其陰大當馳。

道植。自白水至雒陽。五丈而樹。田間恐妨穀。凡植幾本。以報嗚呼。遠者種德。近者種樹。吾無德。且種樹。此皆仁人之澤也。其榕凡四百二十一本云。

### 筆管樹

筆管樹。卽椀樹也。廣州故屯田道署有一樹。通體根鬚蟠結。大可數十抱。枝短而勁。葉初發細卷如辛夷之蕾。葉開則色殷紅。望之如花。其樹無花。葉卽其花。葉至冬而落。春間乃發。初發又如筆管。粵人因名爲筆管樹。舊有一碑在樹腹。兵婦得之以搗衣。有聞石聲清越者。求之。則冢宰李默所撰孤樹哀談記也。默常爲屯田副使。居此。故有之。

### 椰

椰生瓊州。栽時以鹽置根下。則易發。樹高六七丈。直竦無枝。至木末。乃有葉如束蒲。長二三尺。花如千葉芙蓉。白色。終歲不絕。葉間生實如瓠。繫房房連累。一累二十七八實。或三十實。大者如斗。有皮厚苞之。曰椰衣。皮中有核。甚堅。與膚肉皆緊著。皮厚可半寸。白如雪。味脆而甘。膚中空虛。又有清漿。升許。味美於麴。微有酒氣。曰椰酒。蘇軾詩。美酒生林不待儀。言椰子中有自然之酒。不待儀狄而作也。瓊人每以檳榔代茶。椰代酒。以款賓客。謂椰酒久服。可以烏鬚云。瓊州多椰子。葉昔趙飛燕立爲皇后。其女弟合德獻諸珍物。中有椰葉席焉。椰葉之見重也。自漢時始。瓊州人無分男女。首皆戴笠。以竹絲爲之。其用椰葉爲笠者。貴之也。以爲席。則賤之矣。

番禺多桂

番禺多桂。山海經云。賁隅之東。八桂生焉。故舟楫多采桂爲之。故曰番禺之桂。爰始爲舟。

肉桂

肉桂一名越桂。飲食中古稱蜀薑越桂。越桂以高州肉桂爲珍。雜檳榔食之。口香竟日。秦時羅浮有桂父者。象林人也。嘗服肉桂及葵。以龜腦和之。列仙傳贊云。偉哉桂父。挺直遐幾。靈葵內潤。丹桂外綏。蓋謂是也。

洋桃

洋桃其種自大洋來。一曰羊桃。樹高五六丈。大者數圍。花紅色。一蒂數子。七八月間熟。色如蠟。一名三斂子。亦曰山斂。斂稜也。有五稜者名五斂。以糯米水澆則甜。名糯米桃。廣人以爲蔬。能辟嵐瘴之毒。中蠱者。搗自然汁飲。毒卽吐出。脯之。或白蜜漬之。持至北方。不能水土。與瘡者。皆可治。蘇長公詩。恣傾白蜜收五稜。謂此。

冬桃 偏桃

冬桃似橄欖而圓。色綠。味甘酸。有偏桃似桃而扁。一曰偏桃。大者若鴨卵。色青黃。味酸。微甜。

望果

望果一名蜜望。樹高數丈。花開繁盛。蜜蠶望而喜之。故曰蜜望。花以二月。子熟以五月。色黃。味甜酸。能止

船暈飄洋者兼金購之。有天桃者與相類。樹高亦數丈。巨者百圍。正月花。六七月子熟。大如木瓜。味甜酢。以羹魚。尤善。凡渡海者食之。不嘔浪。然年荒乃多結實。粵謠云。米價高。食天桃。

### 黎檬子

黎檬子一名宜母子。似橙而小。二三月熟。黃色。味極酸。孕婦肝虛嗜之。故曰宜母。元時於廣州荔支灣作御果園。栽種果木樹大小八百株。以作渴水里木。卽宜母子也。吳萊詩。廣州園官進渴水。天風夏熟宜檬子。百花醞作甘露漿。南國烹成赤龍髓。蓋以里木子榨水煎糖也。

### 人面子

人面子以增城水東所產爲佳。子如大梅李。其核類人面。兩目鼻口皆具。肉甘酸。宜爲蜜煎。仁絕美。以點茶。如梅花片。光澤可愛。茶之色香亦不變。水東在城南雁塔下。其樹僅數十株。子皮薄落之使潰爛。乃乾其核囊之。其仁皮寬。稍搖卽脫去。此樹最宜沙土。沙土鬆則根易發。數歲卽婆娑偃地。山居家。其祖父欲遺子孫。必多植人面烏欖。人面賣實。烏欖賣核及仁。百餘年世享其利。番禺大石頭村婦女多以斲烏欖核爲務。其核以炊。仁以油。及爲禮果。有詠烏欖者云。祇應人面子。與爾共成仁。蓋粵中惟此二果以仁重。故諺語云爾。

### 蠅樹

西樵多種茶。茶畦有蠅樹。葉細如豆。葉落畦上。則茶不生。蠅。旱則蠅樹降水以滋茶。潦則蠅樹升水以燻。

茶。故茶恆無旱潦之患。又夏秋時。蠅皆集於蠅樹。不集茶。故茶不生蠹。而味芳好。蓋蠅樹者。茶之所賴以爲潔者也。

藥樹

化州石城之間有藥樹。狀似木棉。其精液色白。見風則黑。是名藥脂。士人以濡箭鏃。爲瞑藥。以射虎。虎三躍而斃。山豬中藥箭。則嚙木榑根以自療。土人知之。用藥箭必合一木榑子。或橄欖。蓋藥樹與橄欖性相犯故也。

柎葉

有柎葉者。狀如芭蕉葉。溼時以裹角黍。乾以包苴物。封缸口。蓋南方地性熱。物易腐敗。惟柎葉藏之。可持久。卽入土千年不壞。柱礎上以柎葉墊之。能隔溼潤。亦能理象牙。使光澤。計粵中葉之爲用。柎爲多。蒲葵次之。有油葵者。以機葉而性柔。以作簔衣。耐久不減。蒲葵。諺曰。油葵簔。蒲葵笠。朝出風乾。暮歸雨溼。又曰。只賣葉。休賣花。花貧。葉富。二葵成家。廣州竹枝詞云。五月街頭人賣葉。卷成片片似芭蕉。謂柎葉也。參差葉尾作簔篷。謂蒲葵也。簔形方。大三尺許。以施於背。遮雨。名曰葵篷。葵曰蒲葵者。以葉如蒲而倒垂。蓋蒲之木也。

油葵

油葵生陽江恩平大山中。樹如蒲葵。葉稍柔。亦曰柔葵。取以作簔。禦雨耐久。諺曰。蒲葵爲扇。油葵爲簔。家種。

二葵得利多。

### 馬纓丹

馬纓丹一名山大丹。花大如盤。蕊時凡數十百朵。每朵攢集成毬。與白繡毬花相類。首夏時開。初黃色。蕊鬚如丹砂。將落復黃。黃紅相間。光豔炫目。開最盛。最久。八月又開。有大紅繡毬名之者。又以其瓣落而蒂枝蟲起。槎枒成與珊瑚柯條相似。又名珊瑚毬。名大紅繡毬者。以開時也。言珊瑚毬者。以落時也。唐詩越人自貢珊瑚樹。意卽此。

### 步驚花

步驚花有幽香。步行遇之。往往驚爲蕙蘭。故曰步驚。永安人每以嫩葉乾之。持入京師作人事。

### 槌子

槌子一名員子。多生則歲歉。永安人每以爲驗。

### 泡木

泡木高明高要皆有之。千百成行。出於江海壩沙水間。乃無始以前之木。質不朽爛。火之不然。漁人斲之以繫罟網。尙其性甚浮故也。

### 海苔樹

海苔樹出陽江海中石上。狀如樹枝。根如鐵。亦稱鐵樹。柯條蟠結。有枝無葉。分紅黑二種。火稍炙之。隨手

作各種古樹。甚有畫意。

海棗

海棗俗名紫京。堅重過鐵力木。鐵力木不甚宜水。此則入水及風雨不朽。以作屋嫌小。皴裂。故不貴。

鹽醋子

鹽醋子。陽江山林多有之。高四五尺。葉如苦楝。秋生白花。結子最繁。冬即枯死。子味酸如醋。酷日暴之。能出白鹽。故名。

刺桐

刺桐。花形如木筆。開時爛若紅霞。風吹色愈鮮好。絕無一葉間之。或謂刺桐即蒼梧。瓊州田家以刺桐葉糞田。門巷多種之。耕時視其花爲候。

香桃花

香桃花。與中州桃花不異。獨於八九月盛開。有微香。中宿峽秋海棠亦香。大抵嶺南衆香之國。花木多香。蓋陽德之所發生也。

散沫花

散沫花。樹高五六尺。枝條柔弱。花繁細。如半米粒許。廣人多使丐者。著敝垢衣種之。花香尤烈。葉以染指甲。故亦名指甲花。

瓊南花木

瓊南氣候大抵在新夏初秋之間。半涼半燠。諺云。葉茂四時。花開八節。扶桑自春。木芙蓉自夏。桃菊自秋。皆開至冬春而止。蓮亦有四季花者。木蘭花如粟。淡黃。芳似珠蘭。而蘊藉過之。樹本大者圍數尺。真可以爲木蘭舟也。木槿花比廣州較大。名士牡丹。皆從夏至冬有花。有青茉莉。本如藤蘿。盤結成蓋。花時香甚。酷烈。土人多結竹爲亭。坐臥其下。爲消暑之會。有仙人掌。自下而上。一枝一掌。無花葉。可以辟火。有鐵樹。葉朱紺色。形如江南老少年。其本則綜也。有人面竹。可爲杖。瓊南竹。此爲佳種。他竹率生荆棘。有藤竹。堅實耐久。長踰尋丈。皆與諸花雜植。以爲園林之玩者。

孔雀花

瓊州有孔雀花。可以辟暑。有爲苦熱詩者云。葛衣半解方流汗。凍殺牆陰孔雀花。是花性宜陰濕。對之生寒。故云。

廣東諸果

廣東諸果。多於他處。瑣屑難名。今姑取俗所稱者。一曰穀子。大如橄欖而長。初亦苦澁。後甘嫩者。蜜漬之。可食。一曰餘甘子。樹高丈餘。葉如槐子。如川棟。白色。有文理。核作六稜。亦初苦澁。後甘。行者以之生津。一名菴摩勒。一曰鬼目子。大如梅李。皮黃肉紅。味甚酸。人以爲蔬。以皮上有目。名鬼目。一曰麋木。麋者鬼之譌也。一曰山棗子。葉似梅子。如荔支。九月熟。一曰卮果。果作卮字形。畫甚方正。蒂在字中。不可見。生食香。



甘一名蓬鬆子。一曰椶櫚子。樹似甘蔗。子如馬乳而小。俗稱牛奶柿。亦曰牛乳子。廣人言乳曰奶。中有美漿。若牛乳。故曰牛奶子。一名槩棗。一曰千歲子。蔓生子。在根下有綠鬚。交加如織。一苞恆二百餘子。皮青黃。乾者殼肉相離。撼之有聲。似肉豆蔻。一曰秋風子。色褐如梨而小。味酸澁。熟乃可食。一曰金紐子。色紅黃。味甘大如秋風子。俗歌云。一雙金紐子。無計上羅衫。一曰青竹子。如桃而圓。味酸。色黃。一曰羊齒子。一曰羊矢。如石蓮而小。色青。味甘。一曰不納子。實如圓棗。十月黃熟。味甜酸。蓋蘋果之小者。粵中少蘋果。花紅二種。以不納子代之。一曰山葡萄。一名藟藟。其莖細。花紫白。實比葡萄而小。色赤。味酢。可爲酒。八九月熟。一曰山韶子。類荔枝。而鮮麗過之。微有小毫。一名毛荔枝。亦曰毛球子。肉薄而酸澁。著核不離。蓋荔枝之變者。一曰臙脂子。子赤如臙脂。味甜酸。諺曰。不采紅蓼花。但采臙脂子。持以作朱顏。其餘入玉齒。一曰都捻子。樸樹叢生。花如芍藥而小。春時開有紅白二種。子如軟柿。外紫內赤。亦小。有四葉承之。每食必倒捻其蒂。故一名倒捻子。子汁可染若臙脂。花可爲酒。葉可麩。皮漬之得膠。以代柿。蘇子瞻名曰清漆。非漆而名爲漆。以其得乙木之液。凝而爲血。而可補人之血。與漆同功。功逾青黏。故名取子。研瀝爲膏。餌之。又止腸滑。以其爲用甚衆。食治皆需。故又名都捻。產羅浮者。高丈許。子尤美。一曰黃皮果。狀如金彈。六月熟。其漿酸甘似葡萄。可消食。順氣除暑熱。與荔枝並進。荔枝饜飩。以黃皮解之。諺曰。饑食荔枝。飽食黃皮。有曰白蠟子者。與相似。其味尤勝。諺曰。黃皮白蠟。甜酸相雜。曰蘋婆果。一名林檎樹。樹高。葉大而光潤。莢如皂角而大。長二三寸。子生莢兩旁。或四或六。子老則莢迸開。內深紅色。子皮黑。肉黃。熟食味甘。蓋栗栗。

也。相傳三藏法師從西域攜至。與訶黎勒菩提雜植虞翻苑中。今遍粵中有之。一曰水欄子。多生水間。或謂林檎爲雄。水欄爲雌。與蘋婆相似。

### 三醉木芙蓉

三醉木芙蓉。本拒霜之變也。其花重臺多露。而顏色不定。一日三換。故稱三醉。將紅曰初醉。淺紅曰二醉。暮而深紅爲三醉。故亦曰酒芙蓉。又有添色芙蓉。初白花。次日稍紅。又次日深紅。又謂三日醉芙蓉。其子自秋至春不落。皮可爲筆爲布。廣州有芙蓉布。卽此種所成。

### 含笑

含笑與夜合相類。大含笑則大半開。小含笑則小半開。半開多於曉。一名朝合。小含笑。白色。開時菩薩微展。若菡萏之未敷。香尤酷烈。古詩云。大笑何如小笑香。紫花那似白花粧。又有紫含笑。初開亦香。是子瞻所稱娟娟泣露暗麝着人者。羅浮夜合含笑。其大至合抱。開時一谷皆香。亦異事也。

### 木樨

木樨與桂相似。而花多過之。秋深尤盛。白沙有九月木樨盛開。寄賀黃門詩云。香逐西風起。氤氳入杳冥。不知從此去。幾日到遼城。

### 月貴

月貴花似茶蘼。月月開。故名。月貴一名月記。有深淺紅二色。宋子京云。花亘四時。月一披秀。故又名月月。

紅。廣東爲長春之國。雖洞陰沍寒。花開不輟。月貴其一也。佛桑亦然。而瓊州芙蓉一種。自五月開至冬盡。佛桑多與牡丹相似。花朵大有重樓子而香。終歲盛開。梅菊亦大朵。梅不以春。菊不以秋。二花時時相見也。

貝多羅

貝多羅。來自西洋。葉大而厚。梵僧嘗以寫經。唐人詩。貝葉經文手自書是也。花大如小酒杯。六瓣。瓣皆左紐。白色。近蕊則黃。有香甚縹。落地數日。其香朵朵不散。

杜鵑花

杜鵑花。以杜鵑啼時開。故名。西樵巖谷間有大粉紅黃者。千葉者。一望無際。羅浮多藍紫者。黃者。香山鳳凰山有五色者。是花故多變。而殷紅爲正色。

丁香

丁香。生廣州。木高丈餘。葉似櫟花。圓細而黃。子色紫。有雌有雄。雄顆小。稱公丁香。雌顆大。其力亦大。稱母丁香。從洋舶來者珍。番奴口嘗含嚼。以代檳榔。其樹多五色。鸚鵡所棲。以丁香未熟者爲餌。子旣收。則啄丁皮。

女青男青

女青。一名萬年枝。卽冬青。亦曰女貞木。身大合抱。肉厚皮蘆。經冬不謝。結子青黑色。有瓢核。飛禽嗜之。亦

名凍青。又有男青與相似。條藥皆朱色。尤易植。人罕知之。

### 佛桑

佛桑一名福桑。又名扶桑。枝葉類桑花。丹色者名朱槿。白者曰白槿。有黃者。粉紅者。淡紅者。皆千葉。輕柔婀娜。如芍藥而小。蓋麗木也。一曰花上花。花上復有花者。重臺也。其朱者可食。白者尤清。甜滑。婦女常以爲蔬。謂可潤容補血。

### 白瑞香

白瑞香。多生乳源山中。冬月盛開如雪。名雪花。刈以爲薪。雜山蘭芎藭之屬燒之。比屋皆香。其種以攀枝爲上。有紫色者。香尤烈。雜衆花中。衆花往往無香。皆爲所奪。一名奪香花。乾者可以稀痘。

### 合歡

合歡木似梧桐。枝柔弱。葉細而繁。每風來。輒自相解。不相牽綴。五月花發。上半白。下半肉紅。散垂如絲。秋實作莢子。極其薄細。其葉至暮卽合。一名合昏。亦曰夜合。蓋夜合花。合歡木其葉夜合。性各不同。高州有合歡樹。枝葉若拘繫然。互相交結。其狀甚古。

### 指甲花

指甲花似木樨。細而正黃。多須葯。一花數出。甚香。粵女以其葉兼礬石少許。染指甲。紅艷奪目。唐詩彈箏亂落桃花片。謂此一種金鳳花。亦可染。名指甲桃。葉小如豆。花四瓣。層層相對。一幹輒有二種花。一深紅。

一黃邊紅腹。其蕊大者爲鳳頭。小者鳳尾。尾修長縷縷。又有兩翅。粵女多象之作釵。二三月時栽之。與指甲花爲一叢。兒童向街頭賣者。多此二花。

南燭

南燭產羅浮高處。初生三四年。狀若菘。漸似梔子。二三十年成大株。蓋木而似草者也。葉似茗而圓厚。冬夏常青。枝莖微紫。大者高四五丈。肥脆易折。子如茱萸。九月熟。酸美可食。昔朱靈芝真人以其葉兼白稗米九蒸暴之。爲青精飯。常服。人稱青精先生。今蘇羅搖人每以社日爲青精飯相餉。師其法也。

西樵山四種花

西樵山有四種花。他處所無。曰山石榴。三月盛開。稱滿山紅。曰錦鬢花。葉如碧蘭花。瓣上紅下白。曰白鶴花。葉如三蘂。莖上出花。狀白鶴頭頸。翅足皆具。頭又有黑點。如眼睛。開於暮春。曰粉蝶花。枝條甚柔。花如粉蝶然。淇文簡嘗爲四花亭玩之。又有月桂二株。石榴一株。在烟霞隱居之前。月桂多花。石榴多實。則是年禾茶皆熟。山人以爲驗。

九里香

九里香木本。葉細如黃楊。花成芫色。白。有香甚烈。又有七里香。葉稍大。其木皆不易長。廣人多以最小者製爲古樹。枝幹拳曲。作盤盂之玩。有壽數百年者。

白嬋子

白嬋子一名山礬。葉如梔子。可辟書蠹。灰其葉以染紫爲黝。可不用礬。故名。三月作白花。六出。甚香。亦曰白嬋子。入藥。名山梔子。

### 水松山松

水松者。櫻也。喜生水旁。其幹也。得杉十之六。其枝葉得松十之四。故一名水杉。言其幹則曰水杉。言其枝葉則曰水松也。東粵之松。以山松爲牡。水松爲牝。水松性宜水。蓋松喜乾。故生於山。檜喜濕。故生於水。水松、檜之屬也。故宜水。廣中凡平堤曲岸。皆列植以爲觀美。歲久蒼皮玉骨。礪礪而多瘦節。高者塵駢低者。蓋其根浸漬水中。輒生鬚鬣。嬋娜下垂。葉清甜可食。子甚香。

### 花開四季

粵中候暖。花開四季。儋州有四季荷。廣州諸處有四季桂。又芭蕉佛桑皆四季著花。虞衡志又載石榴花。南中一種。四季常開。

### 木棉花

嶺南雜記。木棉花大可合抱。高可數丈。葉如香樟。瓣極厚。一條五六出。正二月開。大紅花如山茶。而蕊黃色。結子如酒杯。老則拆裂。有絮茸茸。與蘆花相似。土人取以作裊褥。女工不能治。通志亦云。詢之粵人。無有織者。一名攀枝花。肇慶志云。以吉貝苗接烏柏根。結花爲棉。按此。則以木棉可績爲布者。大抵因接本使然。與草棉固自有別。然當開時。殷紅照耀。實非他花所可媲美。又南海神廟木棉花。開時最盛。海珠寺

亦然。

茉莉

茉莉自波斯移植粵中。芳香不改。東坡稱爲暗麝。南越記云。彼之女子穿綵絲以爲首飾。洛陽名園記作抹厲。王十朋作沒利。洪景盧作末麗。皆以己意名之。宋時遣使至南漢。不識茉莉。劉昶給曰。此小南強。後昶使至。不識牡丹。前使者復曰。此大北勝。按茂名志云。粵無牡丹。以佛桑代之。

# 南越筆記卷十四

## 沉香

嶠南火地。太陽之精液所發。其草木多香。有力者皆降。皆結。而香木得太陽烈氣之全。枝幹根株皆能自爲一香。故語曰。海南多陽。一木五香。海南以萬安黎母東峒香爲勝。其地居瓊島正東。得朝陽之氣。又早香。尤清淑。多如蓮萼。梅英。鵝梨。蠶脾之類。焚之少許。氛翳彌室。雖煤燼而氣不焦。多醞藉而有餘芬。洋舶所販。番沉。藥沉。往往腥烈。卽佳者。意味亦短。木性多尾煙。必焦。其出北海者。生於交趾。聚於欽。謂之欽香。質重實而多大塊。氣亦酷烈。無復海南風味。粵人賤之。海南香故有三品。曰沉。曰箋。曰黃熟。沉箋有二品。曰生結。曰死結。黃熟有三品。曰角沉。曰黃沉。若敗沉者。木質旣盡。心節獨存。精華凝固。久而有力。生則色如墨。熟則重如金。純爲陽剛。故於水則沉。於土亦沉。此黃熟之最也。其或削之則卷。嚼之則柔。是謂蠟沉。昔子瞻所謂旣金堅而玉潤。亦鶴骨以龍筋。惟膏液之內足。故把握而兼斤。無一往之發烈。有無窮之氤氳者也。凡采香必於深山叢翳之中。羣數十人以往。或一二日卽得。或半月徒手而歸。蓋有神焉。當夫高秋晴爽。視山木大小皆凋瘵。中必有香。乘月探尋。有香氣透林而起。以草記之。其地卽亦有蟻封。高二三尺。隨挖之。必得油速。伽楠之類。而沉香爲多。其木節久蟄土中。滋液下流。旣結則香。面悉在下。其背帶木性者。乃出土。故往往得之。沉香有十五種。其一曰黃沉。亦曰鐵骨沉。烏角沉。從土中取出。帶泥而黑。心實



而沉水其價三換最上。其二生結沉。其樹尙有青葉未死。香在樹腹如松脂液。有白木間之。是曰生香。亦沉水。其三四六沉香。四分沉水。六分不沉水者。亦乃沉香非速。其四中四六沉香。其五下四六沉香。其六油速。一名土伽楠。其七磨料沉速。其八燒料沉速。其九紅蒙花剉。蒙者。背香而腹泥。紅者。泥色紅也。花者。木與香相雜不純。剉木而存香也。其十黃蒙花剉。其十一血蒙花剉。其十二新山花剉。其十三曰鐵皮速。外油黑而內白木。其樹甚大。香結在皮。不在肉。故曰鐵皮。此則速香之族。又有野豬箭。亦曰香箭。有香角。香片。香影。香影者。鋸開如影木然。有鴛鴦背。半沉半速。錦包麻。麻包錦。其曰將軍兜。菱殼。雨淋頭。鯽魚片。夾木。含泥等。是皆香之病也。其十四老山牙香。其十五新山牙香。香大塊。剖開如馬牙。斯爲最下。然海南香雖最下。皆氣味清甜。別有醞藉。若渤泥。暹羅。真蠟。占城。日本所產。試水俱沉。而色黃。味酸。香尾焦烈。若至鷄骨香。乃雜樹之堅節。形色似香。純是木氣。本草綱目以爲沉香之中品。誤矣。

伽楠

伽楠雜出於海上諸山。凡香木之枝柯竅露者。木立死而本存者。氣性皆溫。故爲大螻所穴。大螻所食。石蠶遺漬。香中歲久漸浸。木受石蠶氣多。凝而堅潤。則伽楠成。其香本未死。蠶氣未老者。謂之生結。上也。木死本存。蠶氣膏於枯根。潤若錫片者。謂之糖結。次也。歲月既淺。木蠶之氣未融。木性多而香味少。謂之虎斑金絲結。又次也。其色如鴨頭綠者。名綠結。搯之痕生。釋之痕合。按之可圓。放之仍方。鋸則細屑成團。又名油結。上之上也。伽楠木與沉香同類。而分陰陽。或謂沉牝也。味苦而性利。其香含藏。燒乃芳烈。陰體陽

用也。伽楠牡也。味辛而氣甜。其香勃發。而性能閉二便。陽體陰用也。然以洋伽楠爲上。產占城者。剖之香甚輕微。然久而不減。產瓊者。名土伽楠。狀如油速。剖之香特酷烈。然手汗沾濡。數月卽減。必須濯以清泉。膏以蘇合油。或以甘蔗心藏之。以白蓼葉直之。瘞土數月。日中稍暴之。而後香魂乃復也。占城者。靜而常存。瓊者。動而易散。靜者。香以神行動者。香以氣使也。藏者。以錫爲匣。中爲一隔。而多竅。蠶其下。伽楠其上。使薰炙以爲滋潤。又以伽楠末養之。他香末則弗香。以其本者。返其魂。雖微塵許。而其元可復。其精多而氣厚。故也。尋常時勿使見水。勿使見燥。風微溼出則藏之。否則香氣耗散。

### 東莞香

東莞香。以金釵腦所產爲良。地甚狹。僅十餘畝。其香種至十年已絕佳。雖白木與生結同。他所產者。在昔以馬蹠岡。今則以金桔嶺爲第一。次則近南仙村。鷄翅嶺。白石嶺。梅林。百花洞。牛眠。石鄉諸處。至劣者烏泥坑。然金桔嶺歲出精香僅數斤。某家有精香多寡。人皆知之。馬蹠岡久已無香。其香皆新種。無堅老者。凡香先辨其所出之地。香在地而不在種。非其地則香種變。其土如鷄子黃者。其香鬆而多水。熟沙黑而多土者。其香堅而多生結。能耐霜雪。又以泥紅名朱砂管者。或紅如麩粉者。磽确而多陽者爲良土。莞人多種香。祖父之所遺。世享其利。地一畝可種三百餘株。爲香田之農。甚勝於藝黍稷也。然可種之地僅百餘里。他處弗茂且弗香。凡種香先擇山土。開至數尺。其土黃砂石相雜。堅實而瘠。乃可種。其壤純黃純黑無砂。至雨水不滲。潮汐潤及。其香紋或如飴糖。甜而不清。或多黑絲縷。味辣而濁。皆惡土也。不宜種香木。

如樹蘭而叢密。行人每折枝代傘。謂之香陰。其葉似黃楊。凌寒不落。種五六年即結子。子如連翹而黑。落地即生。經人手摘則否。夏月子熟。種之。苗長尺許。乃拔而蒔。蒔宜疎。使根見日。疎則香頭大。見日則陽氣多。歲一犁土。使土鬆草蔓不生。至四五歲。乃斬其正幹。鬻之。是爲白木香。香在根而不在幹。幹純木而色白。故曰白木香。非香。故曰白木。而不離香。故曰白木香。此其別也。正幹已斬。留其支使益旁抽。又二三歲。乃於正幹之餘。出土尺許。名曰香頭者。鑿之初。鑿一二片。曰開香門。亦曰開香口。貧者八九歲。則開香門。富者十餘歲。乃開香口。然大率歲中兩鑿。春以三月。秋以九月。鑿一片如馬牙形。即以黃土兼砂壅之。明歲復鑿。亦如之。自少而多。今歲一片。明歲則得二三片矣。然貧者鑿於三月。復鑿於九月耳。富者必俟十閱月。乃再鑿。蓋以十月香胎氣足。香乃大良也。既鑿矣。其爲雨露所漬。而精液下結者。則其根美。其雨露不能漬。水不能腐者。其精液滲成一縷。外黃內黑。是名黃紋黑滲。以此爲上。蓋香以歲久愈佳。木氣盡。香氣乃純。純則堅老如石。擲地有聲。昏黑中可以手擇。其或鬚紋交紐穿胸而透底者。或不必透底而面滲一黑線者。或黑圈斑駁如鷓鴣斑者。或作馬尾滲者。或純黃者。鐵殼者。皆爲生香。生曰生結。亦曰血格。曰黑格。熟曰黃熟。亦曰水熟。黃熟者。香木過盛。而精液散漫。未及凝成黑線者。又土壅不深。而爲雨水所淋者。是爲黃熟。生結者。香頭之下。間有隙穴。爲日月之光所射。霜露之華所漬。日久結成胎塊。其實不朽。而與土生氣相接者。是爲生結。以多脂膏。潤澤洽於表裏。又名血格。曝之日中。其香滿室。不必焚爇而已。氤氳有餘矣。

## 鶴頂香

鶴頂香。在古榕之腹。常有烏銜香子。墮落其中。歲久。香木長成。其枝葉微出榕杪。白鶴之所盤旋。朝夕不散。久之。香木作結。堅潤如脂。人取而爇之。香煙翔舞。悉成白鶴之形。白鶴大小。則視香煙之穠薄。是名鶴頂香。東莞或時有之。或曰是遯香也。身在榕中。而氣與鶴相感。蓋以榕爲體。以鶴爲用者也。

## 諸香

諸香有曰鷄躑香。枝條似鷄距。故名。一曰鷄香。一曰鷄藤香。一曰雞骨香。有冷生香。似降香而小。降香一曰降真香。雜諸香焚之。其烟直上。輒有白鶴下降。有馬眼香。其藤大如臂。歲久心朽。皮堅甚。香周遭有小眼如雕刻香筒狀。粵人多以供神。謂之比降。降之真者。從海舶而來。曰番降。根極堅實。色紫潤。似蘇方木。燒之初不甚香。得諸香和之。特美。其屑可治刀傷。有水藤香。有楓香。卽楓膠也。一曰白膠香。有左紐香。石檀香。有海漆香。產文昌海港。色甚黑。焚之。油出如漆。有龍骨香。其樹叢生。有刺。汁甚毒。枝老而根結者。美。有芸香。山中樹液所結。雜諸香焚之。能除溼氣。有思勞香。狀乳香。而青黃褐色。氣似楓膠。有橄欖香。橄欖之脂也。如黑飴狀。以黃連木及楓膠和之。有清烈出塵之意。有薰陸香。一名馬尾香。山記羅浮有越王搗薰陸香。其曰白木香。則東莞香木之枝幹也。經斫傷則成黃熟。否則歲久亦止白木。故曰白木香。廣中香族甚多。其未知名者。味皆酷烈。廣人生長香國。不貴沈檀。顧以山野之香爲重也。

## 檀香

嶺南亦產檀香。皮堅而黃者黃檀。白者白檀。皮腐而色紫者紫檀。皆有香。而白檀爲勝。與紫檀皆來自海舶。然羅浮亦有白檀。竺法真謂元嘉末有人於羅山見一樹。大三丈餘圍。辛芳酷烈。其間枯條數尺。援而刃之。乃白旃檀也。比年三水縣西北百餘里。有香樹一株。大七八丈圍。其幹至四丈乃發枝。垂陰二畝。通體純白。土人稱白銀香。蓋白檀也。某帥使數百人伐之。僅於樹根一竅爲雨水所浸漬者。得香二十餘斤。味如沉水。其餘枝條皆不香。又新安黃松岡有香樹三株。葉細如豆。類九里香。然不降不結。以不經斬伐。故精液不凝。而皆散爲枝葉也。

南方花皆可合香

南方花皆可合香。如素馨、茉莉、閩提、佛桑、渠那、大小含笑之類。又有麝香花。夏開。與麝香木皆類真麝香。或傳美家香。用此諸花合之。

奇艸

嶺南奇艸大抵多蕉竹類。葉多如芭蕉。幹多如竹。若檳榔、枕榔、椰、蒲葵皆木之筓。木之竹。以葉而失其木竹之木。以幹而失其竹者也。羅浮有芭蕉竹。有檳榔竹。信宜之東山有木竹。皆以葉而名之爲竹。故嶺南竹類繁。

芭蕉

艸之大者曰芭蕉。雖復扶疎若樹株。而莖幹虛軟。苞裹重皮。皮之中無所謂膚也。卽有微心。亦柔脆不堅。

蓋草之質爲多。故吾以屬於艸。其大者兼圍高二丈餘。葉長丈。廣尺至二三尺。中分如幅帛。有雙角。其葉必三。三開則三落。落不至地。但懸挂莖間乾之。可以作書。陸佃云。蕉不落葉。一葉舒則一葉蕉。芭是也。花出於心。每一心輒抽一莖作花。聞雷而拆。拆者如倒垂菌。層層作卷瓣。瓣中無蕊。悉是瓣。漸大則花出。瓣中每一花開。必三四月。乃闔一花。闔成十餘子。十花則成百餘子。大小各爲房。隨花而長。長至五六寸許。先後相次。兩兩相抱。其子不俱生。花不俱落。終年花實相代謝。雖歷歲寒不凋。此其爲異也。子以香牙蕉爲美。一名龍奶。奶乳也。美若龍之乳。不可多得。然食之寒氣沁心。頗有邪甜之目。其葉有硃砂斑點。植必以木夾之。否則結實時風必吹折。故一名折腰娘。曰牛乳蕉。曰鼓槌蕉。曰板蕉。皆大而味淡。鼓槌蕉有核如梧子。大而三稜。曰佛手蕉者。子長六七寸。小而皮薄。味甜。是皆甘蕉之知名者。蕉之可愛在葉。盛夏時高舒垂蔭。風動則小扇。大旗蕩漾。空清涼失暑。其色映空皆綠。其高五六尺者。葉長幹小。蕭疎如竹。曰水蕉。其花如蓮。亦曰蓮花蕉。一種瘦葉。花若蕙蘭而色紅。日拆一兩瓣。其端有一點鮮綠。春開。至秋盡猶芳。名蘭蕉。亦名美人蕉。宜種水中。其最小可插瓶中者。曰膽瓶蕉。此三種皆花而不實。但可名芭蕉。不可言甘蕉。言甘蕉者。以其實。言芭蕉者。以其開花。卽萎。故名芭蕉。芭者花也。所謂驟孕蕉花。花時無不萎耳。粵故芭蕉之國。土人多種以爲業。其根以蔬。實以餽糧。餅餌。絲以布。其絺綌。與荃蒿同。而柔韌遜之名。布蕉。布蕉多種。山間其土瘠石多。則絲堅韌。土肥則多實而絲脆。不堪爲布。諺曰。衣蕉宜瘠。食蕉宜肥。肥宜蕉子。瘠宜蕉絲。子熟時大小排比。或以十餘二十餘爲一梳。彼此相餉。子瞻詩。西鄰蕉向熟。時致一梳。

黃其形相梳子。長短者如梳齒。黃時生割之。置稻穀中。數日即熟。熟乃大香。可食。增城之西洲人多種蕉。種至三四年。即盡伐以種白蕉。白蕉得種蕉地。益繁盛。甜美。而白蕉種至二年。又復種蕉。蕉中間植香牙。與小柑橘芋蘋等。皆得芳好。其蕉與蔗相代而生。氣味相入。故勝於他處所產。

朱蕉

朱蕉。葉芭蕉而幹棕竹。亦名朱竹。以枝柔不甚直挺。故以爲蕉。葉紺色。生於幹上。幹有節。自根至杪。一寸三四節。或六七節。甚密。然多一幹獨出。無傍枝者。通體鐵色。微朱。以其難長。故又名鐵樹。

蔗

蔗之珍者曰雪蔗。大徑二寸。長丈。質甚脆。必扶以木。否則摧折。世說云。扶南蔗一丈三節。見日即消。風吹即折是也。其節疎而多汁。味特醇好。食之潤澤。人不可多得。今常用者曰白蔗。食至十挺。膈熱盡除。其紫者曰崑崙蔗。以夾折。胘骨可復接。一名藥蔗。其小而燥者曰竹蔗。曰荻蔗。連岡接阜。一望叢若蘆葦。然皮堅節促。不可食。惟以榨糖。糖之利甚溥。粵人開糖房者。多以致富。蓋番禺、東莞、增城、糖居十之四。陽春糖居十之六。而蔗田幾與禾田等矣。凡蔗歲二月必斜。其根種之。根斜而後蔗多。蔗出根。舊者以土培壅。新者以水久浸之。俟出萌芽。乃種種。至一月。糞以麻油之麩。已成干。則日夕揩拭其蠟。剝其蔓莖。而蔗乃暢茂。蔗之名不一。一作軒臙。蔗之甘在于在蔗也。其首甜而堅實難食。尾淡不可食。故貴在于也。蔗正本少。庶本多。故蔗又曰諸蔗。諸衆也。庶出之謂也。庶出者尤甘。故貴其庶也。曰都蔗者。正出者也。曹子建有都

蔗詩。張協有都蔗賦。知其都之美。而不知其諸之美也。增城白蔗尤美。冬至而榨。榨至清明而畢。其蔗無宿根。悉是當年。故美。榨時上農一人一寮。中農五之。下農八之。十之。以荔支木爲兩漈。漈漈相比。若磨然。長大各三四尺。漈中餘一空隙。投蔗其中。駕以三牛之牯。漈旋轉則蔗汁洋溢。漈在盤上。汁流槽中。然後煮煉成飴。其濁而黑者曰黑片糖。清而黃者曰黃片糖。一清者曰赤沙糖。雙清者曰白沙糖。次清而近黑者曰糞尾。最白者以日曝之。細若粉雪。售於東西二洋。曰洋糖。次白者售於天下。其凝結成大塊者。堅而瑩。黃白相間。曰冰糖。亦曰糖霜。余嘗舟至羅定州之界牌塘。見岸上竈煙冲突。停舟上岸訪之。始見作糖之法。一一不爽如此。

### 高州多種葛

高州多種葛。雷州人市之爲絺綌。秋霜時有葛花菜。卽葛乳。涌生地上。如芝如菌。色赤。味甘脆。微苦。其性涼。乃葛之精華也。亦曰葛蕈。

### 蕨

從化山中多蕨。以雷鳴出土。故蕨惟雷鳴乃可食。蕨決也。乘怒氣決然而生。故曰蕨。其芽微也。初生萌甚微。故曰薇。

### 藜白

藜白者。葉心有粉如灰。名灰藜。亦曰鹽菜。紅心者曰臙脂菜。嫩時可食。莖老以作杖。謂之菜。



薯蕷

薯蕷產北江者良。其白者不中用。用必以紅。紅者多膠液。漁人以染罌罈。使芋麻爽勁。既利水。又耐鹹。潮不易腐。薯蕷膠液本紅。見水則黑。諸魚屬火而喜水。水之色黑。故與魚性相得。染罌罈使黑。則諸魚望之而聚云。

睡菜睡蓮

睡菜一名暝菜。葉類茨菰。根如藕。采根爲鹽菹。食之使人好睡。與五味草食之。不睡。名卻睡草。相背。睡蓮布葉數重。葉如荷而大。花有五色。當夏晝開。夜縮入水底。晝復出也。與夢草晝入地。夜卽復出。相背。廣州多有之。

石花菜

石花一名海菜。產瓊之會同。歲三月。菜廠主人置酒廣集菜丁。使穿木屐入海。採取。海有研石。廣數里。橫亘海底。海菜其莓苔也。白者爲瓊枝。紅者爲草珊瑚。泡以沸湯。沃以薑椒酒醋。味甚脆美。以作海藻酒。治瘦氣。以作琥珀糖。去上焦浮熱。

落樹石柏

南海有落樹。附石而生。有枝無葉。側類石柏。氣似落。歲久堅凝。風日雨露不能涸損。色黝以蒼。大者咫尺。小數寸。根幹爲決明蛤蠣所因依。波濤所噴嚼。沙石所軋蹙。嶮窟竇。勁陷曲詰。大類鏽澁古鐵。亦謂之。

鐵樹其紅者脂膩瑩滑。曼衍柔脆。又若珊瑚然。以火揉之炙之。隨其形狀爲松栝梅柳諸樹。可供几案之玩。石柏生陽江電白海上。色潔白而質堅脆。扣之鏗然。乃浮沫所積。海苔所化。入水不泛。火不焦。枝葉理緻。於側柏亦無不肖。皆石樹之珍也。

### 仙人掌

仙人掌多依石壁而生。其葉勁而長。若齟齬狀。其花形如鳳子。生花下曰鳳粟。葉則曰鳳尾。笏發苞。外類芋渠。內攢瓣如毬。各擎子珠於掌。一枝一掌。自下而上。子自青赤而黃。有重殼。外厚內薄。熟其仁食之。味兼芡栗。可以輕身延年。一名千歲子。

### 諸異草

粵多異草。有曰萬年松。非松也。苔成樹而枝葉類松者也。高數寸。莖端布葉。葉上有毛。乾之數歲不死。漬以泉水。二三日碧綠如故。以他水及穢手觸之。皆死。得天雨仍生。羅浮山中所產。一名卷柏。亦曰苔松。有曰千歲竹。其葉類竹而無枝。長數寸或尺。乾之不死。有曰朱草。狀如小桑。栽長三四尺。枝葉皆丹。朔望生。落如葇荑。周而復始。有汁如血。以染絳成黼黻文章。以金銀投其汁。輒成圓泥。成水爲金漿。玉醴。飲之長生。有曰挂蘭。挂竹。皆生於空中。雨露沾濡。久而彌秀。有曰長命草。多產潮陽。詠者云。潮陽女兒梳掠好。鬢邊斜插長命草。瓊州有長生草。亦生類。有還魂草。一名地膽。葉如芥。花如地茶。以蛤試之。能起死回生。產陽江山中。有接骨草。叢生。高二三尺。葉大如柳而厚。莖有節。色綠而圓。花白。午開。自三月至九月不絕。折

傷者裹之即愈。始興瓊巖有琉璃草。莖如芹。食可已風。與肇慶七星巖風藥相類。風藥叢生石隙。其葉圓厚。和酒嚼之。治風疾。一曰風草。亦曰風菜。諺曰。風病須風菜。此皆不死之草也。其可爲餌者。曰石菖蒲。以小者爲貴。有一寸十二節者。以甲子日探。陰乾。至百日。爲末。每日服三四匕。能益智聰耳。明日羅浮東澗石上所產。質甚堅。氣味清芬。他產則辛。有曰白菖蒲。溪蓀也。根肥白。節疎。作菹食。殺蟲。有曰涼粉草。莖葉秀麗。香猶養檀。以汁和米粉。煮之。止饑。名仙人凍。山人種之。連畝。當暑售之。有曰香蓀。生石上。葉似白蘇。甚香。搗爲水。及爲餅。消暑散腫。一名石香蓀。亦曰香茸。有石蓀。似紫菜。色青。味甘平。此皆草之可資服食者也。其可佩者。曰排草。狀如白茅。對節生葉。葉兩兩相連。長五六寸。而幹中穿。以細嫩者爲貴。番禺人種之。動至數畝。以其葉售於海外諸番。諸番歲有瘡疥。煎其葉爲湯。浣之。即愈。其根莖以合諸香爲囊。能使衆味久而不滅。故一名留香草。亦曰養香。一種夏開。細粉紫花。如薜蘿乾之香。亦曰排草。有曰千步草。香聞十里。然不可多得。或謂千步草。即排草。廣人種之。成畦。長至千步。故十里聞香。有曰瑤草。生羅浮山頂。如白茅而小。莖圓而香。有曰金縷草。色赤如金。云麻姑金鈿所化。羅浮麻姑峯有之。其可用者。曰龍葛。與莞與苻與龍修。皆以充席簟及坐團。曰蕘者。種之流沙。則成田。有方圓二種。曰鹹草。多以束物爲箔席。其無所可用者。曰白草。叢生三四寸許。莖葉與衆草無異。每天雨。先一日變白。晴則如常。產仁化扶溪。都有曰知羞草。葉似豆瓣。相向。人以口吹之。其葉自合。名知羞草。有曰鶴草。葉似鶴。翬尾足皆具。麴塵色。紫蒂。以其葉如柳而短。亦曰蛾眉草。

# 斷腸草

斷腸草一名苦吻亦曰苦藥曰苦蔓公然皆以爲胡蔓花如茶花黃而小又名大葉茶葉按月數多寡一葉入口血潰百竅腸斷而死其死之緩急則視所下之水緩急急水者湍激之水也高雷間人有讐怨者輒茹之或置食物中以斃其親或自含口中勒人財物急則嚙下訟於官以人頭錢償則不終訟人頭錢者被誣之人以錢抵命也高雷人號爲妖草近之葉輒蠕動將取毒人則招搖若喜舞狀蓋以殺爲性所謂毒也陶貞白云斷腸草其花美好名芙蓉花故太白云昔作芙蓉花今爲斷腸草

## 嶺南藤類不一

嶺南藤有數百種其可食者曰甘露藤蔓如筍花如指甲花性甘以溫久服令人肥健一名肥藤有涼口藤狀若葛葉如搗杞去地丈餘絕之更生中含清水渴者斷取飲之甚美沐髮令長一名斷續藤常飛越數樹以相繞一名東風菜先春而生東風乃至農夫以驗土膏之動東風一作薰風又名綠耳可爲蔬有白花藤味如甘蔗以美酒調服能補衰老有浮沉藤蘭子藤子皆如梨色赤如鷄冠生食甜酢有紅藤可代檳榔食有小藤產於東莞微細如髮直起數丈無一節常飛越數樹如百千游絲牽綴紅者名紅龍鬚紫者紫龍鬚凡有五色然生無根蒂以穢物投之卽消釋不知所去土人以其液和細土石灰塗鬚鬚其堅如鐵雖猛火不裂其花及子浸酒可補骨筋有盒藤其莢有白子數枚殼扁狀如盒子水浸數日炒食之味佳有乳藤蔓如懸鉤倒挂葉尖而長斷之有白汁如乳婦人產後以藤搗汁和米作粥食之乳滯

自通。此皆食藤也。諸藤初生嫩條爲葢爲筍。而以其大實曰冬榮子者。大如柚子。中有瓢。瓣瓣相疊。白如豬脂。炙食皆甘美。身懷數日香不滅。秋末冬初間采以相餉。矜爲服食之珍云。其可爲藥者曰黃藤。熬其汁則藤黃也。性最寒。以青魚膽和之治眼疾。間有白者。葉如土茯苓。身小而長。外有籜包。以莖浸水洗。目並除腫痛。有丁公藤。蔓生著地。高尺許。葉長二寸。面綠背微白。傷風者以一二葉煮酒服之。汗下如雨。卽愈。有皆治藤。蔓延墻壁野樹間。長丈餘。葉似泥藤。中暑者以根葉作粉食之。虛損者雜豬胃煮服。有買麻藤。其莖多水。渴者斷而飲之。滿腹已餘水。尚淋漓半日。可解蛇毒。乾之亦然。性柔。易治以製履。堅韌如麻。故名。言買藤得麻也。藤名而麻實。人爭買取。又以他藤多而賤。聽人自取。是藤適中頗貴。必須買之。而其子味微苦。可食。因曰買子也。有青藤仔。葉長三四寸。多芒刺。莖大如指而堅韌。人日用之。比北地之用柳條。花名假素馨。煎湯以洗瘡疥。甚良。有忍冬藤。名左紐。有麴藤。瓊州酒無麴藥。似此藤葉。辛香。雜米粉爲餅以釀。亦曰酒藤。有曰金藤。以爲筍。遇毒則烟氣迸出。此皆藥之藤也。其爲器物者曰白藤子。斑駁可爲素珠。出文昌山中。曰五色藤。以紅者爲簾。曰桃笙。色如天桃。甚瑩滑。白者名瓊枝。以紅紫間之。爲席爲盤。及屏風。蓋甲馬鞭之屬。其用甚奢。其可以爲屋桁桷者曰泥藤。可以駕牛。其大如筍竹者曰苦藤。稍小。而性柔。可爲牛繩船纜。曰括藤。以磨礪器物。能發光膩。曰溼皮藤。其葉饒有芒刺。曰劉葉。可爲香者曰鷄香。藤堅而酷烈。能辟水霧之氣。山中多用之。大抵嶺南藤類不一。多貨於天下。其織作藤器者。十家而二五。羊汾水之肆。衣食於藤。蓋多於果布也。

油艸

油艸。永安縣水際多產之。每開花結米。可占有年。粵人多植之。

蕨粉

蕨。永安最多。凡有二種。一食其芽者。名龍頭菜。一以其根爲粉者。名粉蕨。性寒。多食患黃腫。農家當早晚稻未收。多以蕨粉爲食。廣州春間。爭以餉客。

水蠟燭

水蠟燭。艸本。生野塘間。秋杪結實。宛與蠟燭相似。有詠者云。風搖無弄影。煤具不燃煙。

冬筍

通志云。詩義疏謂筍皆四月生。巴竹筍八月生。簕竹筍冬夏生。永嘉記含隨竹筍六月生。今冬筍惟浙中者行遠。嶺南則四時常有之。地暖發生故也。按雜記又稱粵東之筍。十九皆苦。須以黃荳同煮。先去苦味。

油葱

嶺南雜記。油葱形如水仙花。葉厚一指。而邊有刺。不開花結子。從根發生。長者尺餘。破其葉。中有一膏。婦人塗掌以澤髮。代油。貧家婦多種之。屋頭問之。則怒。以爲笑其貧也。

蘇合香

通志按神農本草云。蘇合香。生中臺川。今從西域來。色如紫檀。重如石。燒之灰白者佳。大秦人采蘇合。先

筭其汁以爲香膏。曰蘇合油。乃賣其滓與人。展轉達中國。不大香也。

薔薇露

香譜云。薔薇露出大西洋國。花如牡丹。花露晶瑩。芬芳襲人。以澤體髮。香膩經年不滅。國人貯以鉛缶。行販他處。

洋艾

洋艾本不甚高。宜種盆盎。綠葉茸茸如車蓋。可療疾。兼卻火災。按仙家次藥有靈叢艾。張播之艾贊云。論藹靈叢。蔚彼修坂。

山波羅

粵中凡村居路旁。多種山波羅。橫梗如拳。葉多刺。足衛衡宇。

# 南越筆記卷十五

## 諸蘭

蘭爲香祖。蘭無偶。乃第一香。以極蘭爲上。極者莖多也。次公孫偈。每一大莖。輔以二小莖。若公領孫。其花從上開下。次曰出架。白花高出葉上。甚潔白。從下開上。次則青蘭。葉長二尺。其花青碧。以白幹者爲上。青幹紫幹次之。次黃蘭。葉長而稍大。花淡黃。有小紅紋。次艸蘭。以短葉白幹者爲上。其花肥。喜食霜雪。不資灌穢。有雙花單花之別。外有風蘭花。如水仙。黃色。從葉心抽出。作雙朵。繫置簷間。無水土自然繁茂。又有花如秋海棠蕊。則蘭花紫蕊黃甚幽媚。名鹿角蘭。葉細如鹿角海藻。有石蘭。生於石上。與相類。葉長四五寸。小而柔韌。花色淡白。有小玉蘭花。亦作淡白色。甚清香。有倒蘭花。倒垂紫色。有報喜蘭。如蠟梅。而色紅紫。香味亦同。每莖作七八枝。懸樹間。勿侵地氣。遇吉事則開。寤生者以花根懸戶上。卽生。亦曰催生蘭。是皆以空爲根。以露爲命。乃風蘭之族。有賀正蘭。每當立春及元日開。有夜蘭。尋之不見。夜乃聞香。羅浮多有之。凡蘭生深林中。微風過之。其香靄然達於外。故曰幽蘭。林愈深。則莖愈紫。香更有餘。而夜蘭開於夜。尤爲幽絕。斯又蘭之隱者也。有翡翠蘭。六瓣三葉。色如翡翠。有鶴頂蘭。鳳蘭。龍蘭。皆以花形似名。然不香。鶴頂蘭。花大面青綠。背白。藥紅紫。卷成筒形。微似鶴頂。一莖直上。作二十餘花。葉甚大。有朱蘭。花小。色麗。開只一朵。朵六出。葉如百合。有毬蘭。開至五十餘朵。團圓如毬。有竹葉蘭。葉似竹。似萱。花則蘭也。深紫叢



生有微香。有文殊蘭。葉長四五尺。大二三寸而厚。花如玉簪。如百合而長大。色白。甚香。夏間始開。是皆蘭之屬。或謂蘭與蕙難辨。凡生下溼。方莖赤花者爲蕙。所謂薰也。凡多花者皆蕙。非真蘭。真蘭者。葉短而柔。一莖一花。色如玉。瓣中無黑脈紫紋。蕾未出土。香已噴人。幽谷中亦不可多得。是爲真蘭。然大抵春芳者爲春蘭。色深。秋芳者爲秋蘭。色淺。而極蘭四時有花。春秋尤盛。故爲蘭之伯長。舊說謂楚人賤蕙而貴蘭。故其室西養蕙而東養蘭。南粵亦然。

### 薏苡

薏苡一曰薏米。亦曰薏珠子。交趾人呼爲薏珠。食以代米。或雜米中熟之。諺曰。食米得薏。薏一米二。從郎二米。儂只一薏。

### 仙茅

仙茅產大庾嶺。自嶺之巔折而東。稍下爲嫦娥嶂。相傳葛稚川棄其丹。生仙茅。葉似蘭。蕙花六出。其根獨莖而直。傍有短細根相附。八月采之。濯以嶂下流泉。色白如玉。以酒蒸曬。常服補益真氣。土人多以餉客。羅浮仙茅。高僅一二寸。八月生黃花。根如指大。長寸許。外有白茅生山谷中。狀如排草。以作浴湯。合諸香甚良。又有香茅。名辣草。皆瑤草之族。

### 素馨

素馨。本名邨悉。珠江南岸有村曰莊頭。周里許。悉種素馨。亦曰花田。婦女率以味爽往摘。以天未明。見

花而不見葉。其稍白者。則是其日當開者也。既摘。覆以溼布。毋使見日。其已開者。則置之。花客涉江。買以歸。列於九門。一時穿燈者作串。與瓔珞者數百人。城內外買者萬家。富者以斗斛。貧者以升。其量花若量珠然。花宜夜。乘夜乃開。上人頭髻乃開。見月而益光艷。得人氣而益馥。竟夕氤氳。至曉萎。猶有餘香。懷之辟暑。吸之清肺氣。花又宜作燈。雕玉鏤冰。瓊瓏四照。遊冶者以導車馬。楊用修稱粵中素馨燈爲天下之至艷。信然。兒女以花蒸油。取液爲面脂。頭澤。謂能長髮潤肌。或取蓓蕾雜佳茗貯之。或帶露置於瓶中。經一宿。以其水點茗。或作格懸繫壺口。離酒一指許。以紙封之。旬日而酒香徹。其爲龍涎香餅香串者。治以素馨。則韻味愈遠。隆冬花少。曰雪花。摘經數日。仍開。夏月花多。瓊英狼藉。入夜滿城如雪。觸處皆香。信粵中之清麗物也。

### 廣州有花渡

廣州有花渡頭。在五羊門南岸。廣州花販每日分載素馨至城。從此上舟。故名花渡頭。花謂素馨也。花田亦止以素馨名也。

### 萋

萋以東安富霖所產爲上。其根香。其葉尖而柔。味甘。多汁。名曰穫扶留。他產者色青。味辣。名南扶留。殊不及。然番禺大塘康樂鷺岡鳳岡頭諸村。及新興陽春所產亦美。冬間以葛草覆之。稍沾霜雪。立萎矣。凡食檳榔。必以萋葉爲佐。有夫婦相須之義。故粵人以爲聘果。

西洋蓮

西洋蓮其種來自西洋。蔓細如絲。朱色繚繞離間。花初開如黃白蓮十餘出。久之十餘出者皆落。其蕊復變而爲藕。瓣爲蓮。而蕊爲藕。以蓮始而以藕終。故又名西洋藕。

露頭花

露頭花產番禺。其葉如劍脊。邊皆有芒刺。花抽葉中。與葉彷彿相似。色白而柔。花中有蕊如珍珠粟形。常含清露。涓滴。故名露頭花。以火燔其根。便成大頭。出土上。花乃茂盛。故又名露頭花。夏月大開。以花置油上曬之。香落油中。芬馥隔歲不滅。以膏髮。照讀書。芳盈一室。廣人甚珍之。

慎火

慎火者可以禦火。廣人多種屋上以防火。一名戒火。其形如火始然。又名火秧。扁者不枝不葉。圓者多枝葉。叢生成樹。四稜有芒刺。皮中有白漿能盲人。廣人以作籬落。村墟間。笏竹爲圍。火秧露頭花爲界。在在皆然。諺曰。爾有垣墻。我有火秧。

換錦花

換錦者。脫紅換錦。脫綠換錦也。葉似水仙。冬生至夏而落。獨抽一莖。二尺許。作十餘花。花比鹿蔥而大。或紅或綠。葉落而花。故曰脫紅脫綠。花落而葉。故曰換錦花。與葉兩不相見也。

胡蝶樹

胡蝶樹高三五尺。葉皺而有稜。蓓蕾叢生至二三十許。花皆四朵相對。鬚眼微具。一花樹。一花復開。相續不斷。新會白水爲盛。

### 薤

廣州西郊爲南漢芳華苑地。故名西園。土沃美宜蔬。多池塘之利。每池塘十區。種魚三之。種蓀蓮茨菰三之。其四爲薤田。薤無田。以蔑爲之。隨水上下。是曰浮田。

### 藤菜

藤菜一名落葵。蔓葉柔滑可食。味微酸。宜以羹魚。其子有液。紫紅。可作口脂。出惠州豐湖者尤美。子瞻詩。豐湖有藤菜。似可敵蓴羹。

### 高涼薑

高涼薑出於高涼。故名。其根爲薑。其子爲紅豆蔻。子入饌未拆開者曰含胎。以鹽醃入甜糟中。終冬如琥珀。味香辛可膾。其根不堪食。而藥中多用之。人不以其子而掩其根。所重在根。故不曰紅豆蔻。而曰高涼薑也。蔻者何。揚雄方言云。凡物盛多謂之蔻。是子形如紅豆而叢生。故曰紅豆蔻。

### 猴薑

猴薑蔓生石壁如藤蔓。卽薑也。味甚辣。猴以爲薑。故曰猴薑。一名樹鷄。葉生蔓上不作枝。采之爲笠。甚輕。西寧多有之。

三藟

三藟根似薑而軟脆。性熱。消食。宜兼檳榔嚼之。以當蒟子。或以調羹湯。微辣而香。聘婦者以三藟雕鏤花鳥胡蝶諸狀。薄金薄之。佐檳榔。椰肉。桂。薑花等。以實篋。三藟一名山奈。亦曰廉薑。可爲齏。

鮮草果

鮮草果。人多種。以爲香料。蓋卽杜若。非藥中之草果也。其苗似縮砂。三月開花作穗。色白微紅。五六月子結。其根勝於葉。味辛。以溫。能除瘴氣。久服益精明目。令人不忘。

香花菜

香花菜。叢生。莖葉花子皆辛香。花絕小。紫色。婦人多以香茅並植之。以香手爪。去垢穢。乾之香氣不減。持以相貽。

陽春砂仁

陽春砂仁。一名縮砂密。新興亦產之。而生陽江南河者大而有力。其種之所曰果山。曰縮砂者。言其殼曰密者。言其仁。鮮者曰縮砂密。乾者曰砂仁。八月採之。以嫩者蠶漬爲貨。售於嶺外。最珍。其稅頗重。

葳蕤

葳蕤。產羅浮鐵橋諸峯。莖幹強直似竹。箭節節有鬚。葉狹長。表白裏有。其尖處有小黃點。三月開青花。結實。根大如指。許長一二尺。補益之功逾黃精。方家稱黃芝。亦曰青鬚。以漆葉同爲散。可以延壽。



羅浮多地腎。蓋枌之膏液因鬱蒸之氣而成。或枌花落地而成。一名松黃。其爲狀小若彈丸。大若鷄卵。紅黃相錯。一一品瑩。熟之味甘。以香菴僧嘗以甜藷、百合、龍窻、竹胎、涌生、葛乳雜之爲素饌。其生無根蒂。散布枌下。土鬆石澱。潤處輒有之。凡物出於松者無不可愛。而地腎無所附麗。氣與松合。而形與松離。則尤異。蓋亦茯苓之類。

茂名木耳

茂名多以木耳爲貨。陽春亦有之。其山深故多朽木。而木火之精華未盡。得水氣復蒸爲耳。以桑槐榆柳榕樹上生者良。柘木次之。生於桑者治痢。生木香者治瀉。生於梅者治腹痛。楓木生者令人笑不止。亦異事也。

從化多香菌

從化多香菌。冬采者良。其木曰羊矢。畚人伐置山間。至冬雨雪滋凍腐而生。菌無蛇虺之毒。謂之雪菌。色白而香。亦曰雪蕈。或以朽桑樟枌三者尺斷。當臘時於肥陰處理之爲深畦。如種菜。注春月以米泔水澆灌。不時菌出。日灌之三。卽大如拳許。是謂家蕈。他蕈產於木之根土處。精華鬱結。有白者。有淡黑者。其蕈皆白。皆甘美。不下麝菰。性溫補益陽。然溼氣薰蒸。未免有毒。若夏間瘴雨所成。與最大者。煮時投以薑片飯粒。其色不黑。乃可食。

落花生

落花生。草本蔓生。種者以沙壓橫枝。則蔓上開花。花吐成絲。而不能成莢。其莢乃別生根莖間。掘沙取之。殼長寸許。皺紋中有實三四。狀蠶豆。味甘以清。微有參氣。亦名落花參。凡草木之實皆成於花。此獨花自花而莢自莢。花不生莢。莢不蒂花。亦異甚。

### 留求子

留求子。一名使君子。廣州多有之。狀如梔子。有五六稜瓣。而兩端銳。半黃已熟。殼脆薄。中有白肉。微甘。小兒患食積者。煨熟與之食。以當乾果食。輒下蟲而疾愈。語曰。欲得小兒喜。多食使君子。

### 桃金娘

草花之以娘名者。有桃金娘。叢生野間。似梅而未微銳。以桃而色倍類。中莖純紫。絲綴深黃。如金粟。名曰桃金娘。八九月實熟。青紺若牛乳狀。味甘。可養血。花則行血。或謂產自桂林。今廣州亦多有之。

### 二蘭菜

二蘭菜。一曰馬蘭。其葉似蘭而大。馬者大也。故曰馬蘭。花似藕而紫。味辛。性微溫。以作茹甚良。能養新血。一曰芥蘭。葉如芥。而綠花黃。花比葉尤甘。葉有鉛。不宜多食。以微藍。故又名芥藍。諺曰。多食馬蘭。少食芥藍。

### 羅浮百合

羅浮百合。最盛。根如葫蒜而大。重疊二三十斤。相合如蓮瓣。故名百合。色白。和肉煮之。或作粉。益人。五六



月一本一花。花紅白如文殊蘭。重常傾側。名天香。中有檀心。色黃味甘。宜蠶蒸食之。人稱爲山中之仙蔬云。

### 麻藍

麻多舊根。一年凡四刈。五月刈者曰首苧。性柔。未刈者脆。其苗之穉者可芼。是曰麻藍。廣人多以醋炒食之。廣州多青麻。高州多黃麻。青麻藍最美。

### 薛瓜

廣州西瓜種有絕佳者。傳自薛將軍攜種植之。俗呼爲薛瓜。

### 夜來香珍珠蘭二花最香

夜來香。藤本。花微黃。分尖瓣。入夜始開。香特奇郁。又珍珠蘭。藤本。花蕊纍纍如貫珠。駢附于梗。色微黃。香特濃郁。又如魚子狀。亦名魚子蘭。二花花之最香者。

### 鐵樹

嶺南雜記。鐵樹高數尺。葉如老少年。開花如桂而不香。或云此樹週甲子一開。開必丁卯年。然甚無異致。王濟日詢手鏡云。吳浙厚有俗諺。見事難成。則云須鐵樹開花。許寄桂云。余在廣西般指揮家。見一樹高可三四尺。幹葉皆紫黑色。葉小類石榴。質理甚間。問之曰。鐵樹也。每遇丁卯年。乃花花四瓣。紫白色。如瑞香。瓣較少圓。一開累月不凋。嗅之有草氣。乃知鐵樹花開之說。有自來矣。今粵地多見盆缶中。未知植者。

何取。

鹿葱宜男之分

南方草木狀。水葱花葉皆如鹿葱花。色有紅黃紫三種。出始興。婦人懷孕。佩其花生男者。卽此。非鹿葱也。交廣人佩之。極有驗。然其土多男。不厭女子。故不常佩也。潛確類書。水葱生水中。如葱而中空。又名翠管。王維詩。水驚波兮翠管靡。是也。此草亦可爲席。按風土記云。宜男草花如蓮。婦人佩之則生男。梁徐勉萱草花賦云。其花四垂。其跗六出。亦曰宜男。嘉名斯吉。則鹿葱與萱草爲二種矣。



# 南越筆記卷十六

## 東粵稻種不一

東粵稻種不一。一曰香秬。粒小而性柔。香甚。其紅者曰香紅蓮。一曰珍珠稻。粒圓而白。最早者曰六十日種。六十日而熟。一曰蟬鳴稻。又有西風早。光早。烏早。最遲者曰芮稻。二月種。至十月熟。曰界稻。十一月種。至四月熟。界在兩年。亦曰三時稻。其出於徐聞。陽春。澄邁者。曰香稻。出番禺者。曰斜禾。與吉貝。茶。豆。胡麻。雜植丘阜間。名曰種斜。粒白而長。亦絕香。而從化有赤黏。白黏。黃黏。花黏。薯梁黏。鷓鴣黏。深水蓮糯。則有黃白紅麻四種。秬有餘秬。赤秬。宜作糍餌。皆穀品之良者。其生畚田者。曰山禾。亦曰山旱。曰旱稔。藉火之養。雨露之滋。粒大而甘骨。所謂雲子。亦曰山米也。當四五月時。天氣晴霽。有白衣山子者。於斜崖陡壁之際。劉殺陽木。自上而下。悉燔燒。無遺根株。俟土脂熟透。徐轉積灰。以種禾。及吉貝。綿。不加灌溉。自然秀實。連歲三四收。地瘠乃棄。更擇新者。所謂畚田也。而羅浮山上神皋奧沃。瀑水流離四注。悉成天田。雖千仞之巔。皆可稼。焚石本之蒔。而不耘。歲且兩收。此尤山田之美者。其生沙潭者。曰大禾。三四月間。乘水節種之。潮而潤。至汐而膏。留蒔得其強。則毛螿不食。八月花收。九月垂頭。粒大而飯多。其田在海濱。彌望斥鹵。自一沙至於八沙。外沙歲有贏壤。三歲種草。四歲種禾。子田之利。常浮於其母。有肥母磽。秋糧亦薄。此則水田之美者。凡粵之田。近海者虞潦。則有基圍。近山者虞旱。則有水車。故凶荒之患常少。其大禾田。歲

一收旱禾田。歲種早黏。早糯。則二收。晚收於九月。米得金氣多。性熱而功用不及。然大率以黏米爲貴。黏米似粳而尖小長身。其種因閩人得於占城。故名占。亦曰秬。秬音仙。先熟而鮮明。故謂之秬。氣味清芬。性溫無毒。最可以和脾養胃。嶺南之穀多黏。有青黏、黃黏、花黏、銀黏、油黏。又有鼠牙、虎骨、冷水、拋、犂、麻、包、錦、黃魚串之目。而交趾黏爲多。糯則有安南糯、斑魚糯、白糯、黃糯、蕉糯、油糯、翻生糯、金包銀糯十餘種。而其性多變。蘇子瞻言海南秬稻率三五歲一變。頃歲儋人最重鐵脚糯。今歲乃變爲馬眼糯。草木性理有不可知者。嶺南以黏爲飯。以糯爲酒。糯貴而黏賤。其價倍之。蓋以其性善變。罕得佳實云。

異飯

西寧之俗。歲三月以青楓烏柏嫩葉浸之。信宿。以其膠液和糯蒸爲飯。色黑而香。楓一名烏飯木。故用之以相餉。南雄以寒食前後婦女相約上丘壠。以烏糯飯置牲口祭墓。又以蠟樹葉搗和米粉爲粬。粬色青而香。長樂人以香桂皮葉蒸飯。食之亦香。東莞以香粳雜魚肉諸味。包荷葉蒸之。表裏香透。名曰荷包飯。瓊州以南椰粉爲飯。曰椰霜飯。南椰與椰子樹不同。其精液形色氣味皆類藕蕨之粉。故曰南椰粉。性溫熱。補中。本草以爲莎木麵也。

茶素

廣州之俗。歲終以烈火爆開糯穀。名曰炮穀。以爲煎堆心餡。煎堆者。以糯粉爲大小圓。入油煎之。以祀先及餽親友者也。又以糯飯盤結諸花。入油煎之。名曰米花。以糯粉雜白糖沙入豬脂煮之。名沙墜。以糯粳

相雜炒成粉。置方圓范中敲擊之。使堅如鐵石。名爲白餅。殘臘時家家打餅聲。與搗衣相似。甚可聽。又有黃餅。鷄春酥。蠶餅之屬。富者以餅多爲尙。至寒食清明。猶出以餉客。尋常婦女相餽問。則以油糲膏環薄脆。油糲膏環以麵。薄脆以粉。皆所謂茶素也。端午爲粽。以冬葉裹者曰灰粽。肉粽。置蘇木條其中爲紅心。以竹葉裹者曰竹筒粽。三角者曰角子粽。水浸數月。剝而煎食。甚香。重陽爲糕。冬至爲米糲。曰冬丸。平常則作粉果。以白米浸至半月。入白粳飯其中。乃舂爲粉。以豬脂潤之。鮮明而薄。以爲外。茶蘼露竹胎肉粒。鷺膏滿其中以爲內。則與茶素相雜而行者也。一名粉角。又有以椰子以芝麻以豆糠爲餈者。以蕨以葛以菱以茨菰以甘藷爲粉者。皆謂之飽食。

### 兩廣鹽

兩廣鹽有鹽田。鹽之爲田也。於沙坦背風之港。夾築一堤。堤中有竇。使潮水可以出入也。天雨水淡。晴水鹹。潮消則放淡水使出。潮長則放鹹水使入也。凡鹽田五畝。以其半分爲四區。布之以細沙。周之以溝水。是曰沙田。日以鬻魚之殼。戽水者三。而沙田始不涸也。以鬻魚殼者。以其堅而耐鹹。不易壞也。澆溉三日。沙與鹽相雜。乃糶鬆而乾之。置於漏也。漏在溝之旁。長七八尺。兩旁有墻崇二尺。中廣二尺。橫以木。覆以草之萌蘗也。漏旁復有溝。置鹽沙於萌蘗上。以溝中水再淋之。沙沈於底。鹽鹵乃流也。鹵者鹽之精。爾雅曰。天生曰鹵。人生曰鹽也。鹵旣流至三四丈。爲一槽載之。以火照鹵。鹵氣衝火。火滅則良鹵也。投以鷄子或飯。或截小魚爲兩以試之。咸皆浮矣。或杓鹵而置蓮子數枚。三浮五沈者淡。七八浮者則淳也。於是煮

之。則爲熟鹽。曬之則爲生鹽也。生鹽浮游於面。不雜泥沙。其白如雪。則爲鹽花也。語曰。無雲而雨。有日而雪。言屏水淋沙如無雲之雨也。日色烈而鹽花始白也。

粵中諸茶

粵中諸茶。其在珠江之南有三十三村。謂之河南。粵志所謂河南之洲。狀若方壺是也。其土沃而人勤。多業藝茶。春深時大婦提籃。少婦持筐。於陽崖陰林之間。凌露細摘。綠芽紫笋。薰以珠蘭。其芬馨絕勝松蘿之莢。每晨茶估涉珠江以鬻於城。是曰河南茶。好事者或就買茶。生自製。葉初摘者曰茶生。猶芥山之草子也。而西樵號稱茶山。自唐曹松移植。顧渚茶其上。今山中人率種茶。間以苦荬。荬樹森森。望之若刺桐叢。桂每茶一畝。苦荬二株。歲可給二人之食。其采摘亦多婦女。諺云。春山三二月。紅粉半茶人。茶人甚守禮法。有問路者。茶人往往不答。昔湛文簡。方文襄二公講學山中。其流風遺化有存者。文簡嘗治雲谷精舍。中有稻田。茶丘十餘畝。旁有人居七八村。皆衣食於茶。其茶宜以白露之朝采之。日出則味稍減。或謂此茶甲天下。早春摘者尤勝。三日一摘。餘則每月一摘。早春一月之茶。可當餘月一年云。端州白雲山。其上有湖。僧於巖際種茶。歲收石許。烹之作素馨花氣。味甘淡而滑。稱頂湖茶。然不能恆得。而羅浮幽居洞北有茶菴。每歲春分前一日。采茶者多寓此菴。其茶以受日陰陽分味之高下。試以景泰泉水。芳香勃發。是曰羅浮茶。景泰泉者。羅浮諸泉之冠。淳祐中有逍遙子爲茶菴詩。活水仍將活火煎。茶經妙處莫虛傳。陸顛所在閒題品。未試羅浮第一泉。黎美周云。泉以茶爲友。以火爲師。火活斯泉。真味不失。蓋謂此云。曹

溪茶氣味清甜。歲凡四采。采於清明。寒露者佳。新安杯渡山絕壁有類蒙山茶者。烹之作幽蘭茉莉氣。水溜十餘次。甘芳愈勝。或經一宿再溜。氣味不減。飲者無不驚異。山勢高。雲霧滋潤。得太清之精英。多故也。樂昌有毛茶。茶葉微有白毛。其味清涼。潮陽有鳳山茶。可以清膈消暑。亦名黃茶。蓋以產新安河源者爲良。其味最苦。而粵人烹河南茶者。必以點蒼少許爲可口。南越志稱龍川縣出皋蘆葉。葉大而澁。南海謂之過羅。今稱爲苦芋。芋一作蒼。長樂有石茗。瓊州有靈茶。卽江南黃連茶也。有烏藥茶。以烏藥嫩葉爲之。能補中益氣。一名山葉。或以金鷄蕊搗去苦汁。合兒茶毛茶爲之。東莞以芝麻諸油。雜茶葉爲汁。煮之名研茶。謂能去風濕。解除食積。可以療饑云。

### 嶺南諸酒

嶺南諸酒。前有靈谿博羅。靈谿在樂昌東北。源出冷君之山。以其水釀。曰靈谿酒。博羅蠻村有桂。以其花釀。曰桂酒。蘇長公有桂酒頌。並與釀法刻於羅浮鐵橋下。謂非忘世求道者。不以授云。惠州有羅浮春。長公以寄山中道士鄧守安者。又有海醞及萬戶酒。長公詩。嶺南萬戶皆春色。又有雪釀。長公詩。雪花浮動萬家春。蓋宋時酒皆官釀。惟嶺南以煙瘴不禁。謂之萬戶酒。唐子西以萬戶酒之和者。名養生主。勁者名齊物論。梅堯臣云。越林多蔽天。黃甘雜丹橘。萬室通釀。地遠無禁律。粵地故多靈泉。甘液終年花果鮮。美芬芳。而當時人民饒裕。戶戶爲酒。爭以奇異相高。故名賢遷謫至此。多好嗜之。而粵又有酒泉焉。一在陽江之南。泉甘而香。以爲釀。曰陽江香。一在龍川霍山之青華觀。泉甘如飴。曰醴泉。昔時出酒極清異。日



滿數斗。今泉孔滴水猶含酒味。有酒峽焉。東莞之龍潭峽是也。以其水釀曰龍潭清。有酒山在香山境。以其白泥爲餅。雜藥物釀之。有酒井在開建。似龍山之下。其泉如醴。有酒樹曰嚴樹。產於瓊州。搗皮葉浸之。和以香粳。或以石榴葉釀。醞數日。卽成酒。曰嚴樹酒。又有酒花。以石榴花著甕中。經旬而成。其曰荔枝酒。則土人齋持釀具。就樹下。以荔枝燻酒。一宿而成者。有倒捻酒。以倒捻子爲之。醞釀日深。陽精純固。以之爲酒。益人。有酒草。其形如艾。名曰甜娘。以爲釀。曰甜娘酒。有酒藤。以葉之辛香者。和米粉釀。有曰酒香。則以角沉黃熟等爲釀。所謂七香酒也。大抵粵中花木多稟陽明之德。色多大紅。氣多香。紅以補血。香以和中。故無不可以爲酒者。龍眼之窈。橘之凍。蒲桃之冬白。仙茅之春紅。桂之月月黃。荔枝之燒春。皆酒中之賢聖也。荔枝燒。唐時最珍。白樂天云。荔枝新熟鷄冠色。燒酒初開琥珀春。然以陳者爲貴。志稱廣有十八仙。韶有換骨玉泉。皆名酒。今不可考。今廣州所常用者。惟龍江燒細餅。而陳者以諸鮮花投其中。封缸兩月。加沉香四兩。以發羣芳之氣。名百花酒。一名百末酒。漢景星歌云。百末旨酒布蘭生。師古云。百草華之末。曰蘭生者。漢武之百味旨酒也。太宗賜魏徵詩。醞綠稱蘭生是也。蓋以百華乾之爲末。入之。若廣中則以鮮花爲用。或專以松黃。以荔枝花。以蒲桃殼。以香蕉子浸之。亦佳。而龍眼花尤勝。

油

韶連始興之間。多茶油子樹。以茶子爲油。客至輒以油煎諸物爲獻。燕吳人購之爲澤膏髮。謂非是油。則玫瑰桂蘭諸香不入。梁簡文云。南油俱滿。西漆爭然。南油必茶子也。晉傅巽云。南中茶子西極石龜是也。

瓊州文昌多山柚油。海棠油。山竹果油。儋州多麻子油。皆美。廣州有露花油。露花生。番禺蓼涌。狀如芎藭。其葉脊邊有刺。葉落根露。以火燻之。則成枝幹而多花。花生叢葉中。其瓣大小亦如葉。而色瑩白柔滑。無刺芒。花抱蕊心如穗。朝夕有零露在苞中。可以解渴。又有粉可塗兒女肌膚。止汗粟。以其花結方勝戴之。或摺疊衣筒。經久猶香。其生於地土者。蕊落結子大如瓜。曰路頭花。多不香。香惟露花。盛夏時露花始熟。以花覆盆。晝曬之。香落茶子油中。其氣馥烈。是曰露花油。蓼涌及增城人善爲之。洋舶爭買以歸。遲開者曰寒花。陽氣微斂。香益清徹。然不可爲油。其生東安山中者。叢卑葉小。自春至秋皆花。近水者尤香。然亦不可爲油。東莞有蠶香油。以棧香子榨之。然燈明亮。蠅蛾百蟲不敢近。觸之輒折翼脫足而死。性大熱。誤入飲食。令人吐。外有欖仁油。菜油。吉貝仁油。火麻子油。皆可食。然率以茶子油。白者爲美。曰白茶油。又有山茶油。以烏藥子色紅如珠者榨之。火麻產端州江岸間。黑色炒蕉。以爲小磨香油。名曰秧油。然以生榨者爲良。

### 糖

廣中市肆賣者有繭糖。窠絲糖也。其煉成條子而瓊瓏者。曰糖通。吹之使空者。曰吹糖。實心者。小曰糖粒。大曰糖瓜。鑄成番塔人物鳥獸形者。曰饗糖。吉凶之禮多用之。祀竈則以糖磚。燕客以糖果。其芝麻糖。牛皮糖。秀糖。蔥糖。烏糖等。以爲雜食。蔥糖稱潮陽。極白無滓。入口酥融如沃雪。秀糖稱東莞糖。通稱廣州。烏糖者。以黑糖烹之成白。又以鴨卵清攪之。使渣滓上浮。精英下結。其法本唐太宗時貢使所傳。大抵廣人

飲饌多用糖。糖戶家家曬糖。以漏滴去水。倉囤貯之。春以糖本分與種蔗之農。冬而收其糖利。舊糖未消。新糖復積。開糖房者。多以是致富云。

### 糖梅

自大庾以往。谿谷村墟之間。在在有梅。而羅浮所產梅花。肥大尤香。蘇詩。羅浮山下梅花村。玉雪爲骨冰爲魂。他處花小。然結子繁。如北杏。味不甚酸。以糖漬之。可食。段公路云。嶺南之梅。小於江左。居人以朱槿花和鹽曝之。其色可愛。曰丹梅。又有以大梅刻鏤爲瓶。纏結帶之類。漬以棹汁。味甚甘脆。東粵故嗜梅。嫁女者。無論貧富。必以糖梅爲舅姑之贄。多者至數十百罌。廣召親串爲糖梅宴會。其有不速者。皆曰打糖梅。糖以甜爲貴。諺曰。糖梅甜。新婦甜。糖梅生子。味還甜。糖梅酸。新婦酸。糖梅生子。味還酸。糖攪亦然。有糖梅。必有糖攪。攪貴。其有雌雄。雄者花而雌者實也。凡女既入門。諸媵始相與唱歌。其歌曰。解解糖梅者。詞美新婦。解糖攪者。詞美新郎。

### 茶蘼露

廣人多種茶蘼。動以畝計。其花喜烈日。當午澆灌。則大茂。有細瓣而蕊三四卷者。有瓣粗而蕊一二卷者。有細心者。疎萼者。以甌蒸之。取露。或取其瓣。拌糖霜。暴之兼旬。以爲粉。果心餽。名茶蘼角。甚甘馨。可嗜。然猶以大西洋所出者爲美。大西洋天氣寒時。茶蘼始花。露凝花上。晶瑩芬郁。若甘露。諸花木則否。暹羅滿刺伽人。購以銀錢。貯以玻璃瓶。攜至占城。占城婦女。以香蠟調之膏髮。客至則以髮拂拭盃盤之屬。以爲

敬。澳門番女得之以注飲饌。或以霑灑人衣。外有薔薇水。暹羅、爪哇、滿刺伽三國。曩以進貢其薔薇。乃三佛齊所種。與中國薔薇不同。廣人多以土薔薇浸水效之。試以琉璃瓶。翻搖數四。泡周上下則真也。

### 燕窩

崖州海中石島有玳瑁山。其洞穴皆燕所巢。燕大者如鳥。啖魚輒吐涎沫。以備冬月退毛之食。土人皮衣皮帽。秉炬探之。燕驚撲人。年老力弱。或致墜崖而死。故有多獲者。有空手而還者。是爲燕窩之菜。或謂海濱石上有海粉。積結如苔。燕啄食之。吐出爲窩。疊疊巖壁之間。島人俟其秋去。以修竿接鏟取之。海粉性寒。而爲燕所吞吐則暖。海粉味鹹。而爲燕所吞吐則甘。其形質盡化。故可以清痰開胃云。凡有烏白二色。紅者難得。蓋燕屬火紅者。尤其精液。一名燕蔬。香有龍涎。菜有燕窩。是皆補草木之不足者。故曰蔬。榆肉產於北。燕窩產於南。皆蔬也。石花亦然。石花出崖州海港中。三月採取。過期則成石矣。

### 乳源石鍾乳

乳源縣西有乳巖。乳大者曰乳床。小曰乳枝。歲蕤下垂。一一空中相通。乳自其末溜至端。且滴且凝。滴者如冰。凝者如脂膏。乃鍾乳之最良者。他巖洞及陰潤之所。雲氣嘯嘯。亦卽生鍾乳。蓋石之精華。隨寒暖而爲融結。昌黎所謂泄乳交巖脈也。然惟石有脈。有津氣者。方出乳。頑石則否。石之腴者。乳益瀆流。瘠而透漏者。則否。乳源多良乳。故縣以名。其乳巖之水流至白土。二三百里間。亦皆鍾乳之純英。所注飲之。甘香。或謂乳穴之水。皆味甘。性溫。重而有力。煎之似鹽花。噴起皎潔如霜。是真所謂石髓。久服肥健。以釀酒尤

宜。功過鍾乳。鍾乳性澁而凝精。不可服。服者多生奇疾。

雲母

羅江之上多雲母。日照之。寶光煜煜。昔有羅辯者。服之得仙。騎一白牛而去。今化州白牛潭。有石碓五六。礫是其煉雲母之所遺云。增城有大溪。出雲母粉。何姑服之。亦得仙去。羅浮記云。是溪有雲母石。名雲母溪。何姑嘗煉其石如紅玉。服之可以辟穀云。

石耳

韶陽諸洞多石耳。其生必於青石。當大雪後。石滋潤。微見日色。則石生耳。大者成片如苔蘚。色碧綠。望之如煙。蓋石之精英。以寒而發。其花爲雪。其葉爲石耳也。石耳亦微有蒂痕。大小朵朵如花。烹之。面青紫。如芙蓉。底黑而皺。每當味爽。搗取。則肥厚。見日漸薄。或且消化爲水。或以爲苔蘚之變。北方有榆肉。此則苔蘚之肉云。

粵西鱧 粵東膾

粵西善爲魚鱧。粵東善爲魚膾。有宴會。必以切魚生爲敬。食必以天曉時空心爲度。每飛霜。鰓泡蠶醃下。薑蕪。無不人人色喜。且餐且笑。其膾也。皆以男子。鱧則以婦人。凡女始嫁。其家必以數十黃罌與之。能善爲鱧。使甘酸而香可飮口。是爲好婦。粵東羅定所居。在山谷中。少魚。俗亦尙鱧。廉州則以珠桂肉爲鱧。連州以筍蟲膾之。色白如雪。味甚甘。

廣爲水國

廣爲水國。人多以舟楫爲食。益都孫氏云。南海素封之家。水陸兩登。貧者浮家江海。歲入估人。舟算緡。中婦賣魚蕩漿。至客舟前。儵忽以十數。弱齡男女。崽身手便利。卽張羅竿首。蠶釣泥中。鼈蟹蜃蛤之入。日給有餘。不須衣食。父母。又舟人婦子。一手把舵筒。一手養魚。囊中兒女。在背上。日垂垂如負瓜瓠。板罾搖櫓。批竹縱繩。兒女苦襤褸。索乳哭啼。恆不遑哺。地氣多燠。旣省絮衣之半。跣足波濤。不履襪。或男女同履。男子冬夏止一禪一襦。婦人量三歲益一布裙。如是則女恆餘布。地惟秔稻。土厚獲多人。日計米一升。加以魚蚌烏菱蕉橘蓴芋。減炊米十可二三。如是則男有餘粟。故古稱饒富居甲焉。

御米

崖門內有邨曰三家邨。澗中有自生禾粒。長而白。有一紅腰。傳爲御米。宋帝昺之所食云。

